

(শ্রীশ্রীচণ্ডী)।

পড়ারূপ



শ্রীবিলাসচন্দ্র দেবশর্মা রায় প্রণীত ।

ঢাকা, শক্তিপ্রেস হইতে
শ্রীবিপিনচন্দ্র বর্মণ কর্তৃক মুদ্রিত ।

মূল্য ১/১০ সাড়ে পাঁচ আনা ।

বিজ্ঞাপন

... বঙ্গের উৎকর্ষ ভিন্ন জাতীয় জীবনে সমুন্নত হওয়ায় প্রত্যাশা বিড়ম্বনা মাত্র। জগতের অতুলনীয় কাব্য এবং হিন্দুর পশ্চিম জীবনের পরম পবিত্র নিত্য সহচর চণ্ডী বর্তমান সময়ে সাধারণের সমীপে অধলোমুখ ও মধুরতা বিরহিত হইয়া যে ভাবে গঠিত হইতেছে তাহাতে তৎপ্রতি প্রগাঢ় ভক্তির উদ্বেক না হইয়া বরং ক্রমশঃই লোকের উপেক্ষার ভাব পরিণামিত হইতেছে। হিন্দু-সমাজের তরলমতি বালক হইতে বৃদ্ধ পধ্যন্ত প্রত্যেকেই যাহাতে চণ্ডীর অর্থ গৌরব ও মধুরতা উপলব্ধি করিয়া তৎপাঠে আনন্দ অনুভব করিতে পারেন সেই উদ্দেশ্যেই এই গণ্যানুবাদ প্রকাশিত হইতেছে। চণ্ডীর যে যে শ্লোক যেকয় চরণে রচিত হইয়াছে অনুবাদেও যথাসাধ্য তাহাই ব্যাখ্যা করিতে প্রয়াস পাইয়াছি। বালকগণ পাঠে আনন্দ উপভোগ করার সঙ্গে সঙ্গে যাহাতে মাতৃ ভাষাতেও কথঞ্চিৎ জ্ঞানলাভ করিতে পারে তৎপ্রতিও সর্বিশেষ দৃষ্টি রাখিয়াছি। বিশেষ কোন আনিবার্য কারণে তাড়াতাড়ি মুদ্রিত হওয়াতে মধ্যে মধ্যে ভুল ভ্রান্তি থাকা অসম্ভব নহে। সঙ্গদয় পাঠকগণ পাঠ করিয়া যে যে স্থল বেরূপে সংশোধন বা পরিবর্তন করা সম্ভব মনে করেন আমাকে জানাইলে সর্বিশেষ অন্তর্গৃহীত হইব।
ইতি ১৩১৬ সন।

নিবেদক—শ্রীবিলাসচন্দ্র দেবশর্মা রায়

উর্দীন মন্সীগঞ্জ, ঢাকা, সাং মাইজপাড়া, বিদ্যাসুখ।

সূচীপত্র

বিষয়	শ্লোক সংখ্যা	পৃষ্ঠা
প্রথম মাহাত্ম্য	১০৩	১
মধুকৈটভ বধ		
দ্বিতীয় মাহাত্ম্য	৭০	১২
মহিষাসুর সৈন্য বধ		
তৃতীয় মাহাত্ম্য	৪৪	২১
মহিষাসুর বধ		
চতুর্থ মাহাত্ম্য	৪০	২৬
মহিষাসুর বধ সমাপ্ত		
পঞ্চম মাহাত্ম্য	১২৯	৩৪
দুত সংবাদ		
ষষ্ঠ মাহাত্ম্য	২৪	৪৪
ধূললোচন বধ		
সপ্তম মাহাত্ম্য	২৭	৪৭
চণ্ড মুণ্ড বধ		
অষ্টম মাহাত্ম্য	৬৩	৫১
রক্তবীজ বধ		
নবম মাহাত্ম্য	৪১	৫৯
নিশ্চিন্ত বধ		
দশম মাহাত্ম্য	৩২	৬৪
শুভ্র বধ		
একাদশ মাহাত্ম্য	৫৫	৬৮
দেবীর স্তন		
দ্বাদশ মাহাত্ম্য	৪১	৭৭
শুভ্র নিশ্চিন্ত বধ		
ত্রয়োদশ মাহাত্ম্য	২৯	৮২
সমাপ্ত		

শ্রীশ্রীচণ্ডী

ওঁ নমশ্চণ্ডিকা

প্রথম মাহাত্ম্য ।

মার্কণ্ডেয় বলিলেন ॥ ১

সাবর্ণি অষ্টম মনু সূর্য্যের কুমার
জনমিল যেই ভাবে শোন সবিস্তার ॥ ২

মহামায়া প্রসাদেতে জন্মি রবি হ'তে
মন্বন্তর-অধিপতি হলেন কিমতে ॥ ৩

স্বারোচিষ-মন্বন্তরে চৈত্র বংশধর
স্বরথ নামেতে রাজা অবনী ভিতর ॥ ৪

(যবে) পুত্র নির্বিশেষে করে প্রজার পালন
বহুশত্রু হ'ল কোলাবিধবংশী * যবন ॥ ৫

ন্যূন বল যবনের সাথে করি রণ
মহাবলশালী রাজা হারিল যখন ॥ ৬

* শূকর খাদক ।

আসিপু্রে হইলেন স্বদেশাধিপতি
তবু করে আক্রমণ প্রবল অরাতি ॥ ৭

দুর্বল হেরিয়া দুৰ্জ অমাত্য স্বগণ
হস্ত্যশ্বাদি ধনাগার করিল হরণ ॥ ৮

সর্বস্বান্ত হয়ে নৃপ যুগয়া ছলনে
অশ্বে চড়ি গেল একা গহন বিপিনে ॥ ৯

প্রশান্ত স্থাপদাকীর্ণ মুনি শিষ্যগণ
অশোভিত দেখিলেন মেধস আশ্রম ॥ ১০

করিলে সৎকার মুনি রহে কিছুক্ষণ
আশ্রমের চারিধারে করি বিচরণ ॥ ১১

মমতা আকৃষ্ট হেতু চিন্তে অনুক্ষণ
পালিল বে পুরী মম পূর্বপিতৃগণ ॥ ১২

তান্ত্র মম পুরী কিরে দুৰ্জ ভৃত্যগণ
করিতেছে ন্যায়মতে এখন রক্ষণ ॥ ১৩

সদামদ শূরহস্তী প্রধান আমার
কি ভুঞ্জিছে বৈরিগেহে না জানিছু আর ॥ ১৪

নিত্য অনুগত যারা প্রসাদ ভোজনে
ধ্রুব সেবা করিতেছে অন্য নৃপগণে ॥ ১৫

অতিরিক্তে ধনাগার সঞ্চিত আমার
অপব্যয়ে নাশিতেছে দুর্ঘট দুরাচার ॥ ১৬

সতত এরূপ চিন্তা করিয়া রাজন্
বিপ্রাশ্রমে করে এক বৈশ্য দরশন ॥ ১৭

জিজ্ঞাসিল নাম তার কেন আগমন
সশোক দুশ্চিন্ত ভাব করি নিরীক্ষণ ॥ ১৮

শুনিয়া প্রণয় ভায় বৈশ্য ততক্ষণ
অবনত শিরে ভূপে বলিল বচন ॥ ১৯

বৈশ্য বলিলেন ॥ ২০

সমাধি নামক বৈশ্য জন্ম ধনিকূলে
ধনলোভী দারাপুত্র মোরে বিতাড়িলে ॥ ২১

ধনহীন তাই দারাস্ত্রত উপেক্ষিত
ধনার্থে* এসেছি বনে হয়ে ক্লিষ্টচিত ॥ ২২

এসেছি এখানে কিন্তু চিত্ত অবিকল
দারাস্ত্রত স্বজনের না জেনে কুশল ॥ ২৩

* পরমার্থিক ধনের জ্ঞাত ।

স্বখে কি অস্বখে আছে গৃহেতে এখন
কি চরিত্র হইয়াছে মম স্ততগণ ॥ ২৪

রাজা বলিলেন ॥ ২৫

ধন লোভে বিতাড়িল দারাস্তজন
তাদের কারণ কেন মমতা প্রবণ ॥ ২৬

বৈশ্য বলিলেন ॥ ২৭

কহিলে যা সত্য বটে কি করি এখন
কিছুতেই নিরদয় নহে মম মন ॥ ২৮
ধন লোভে ভুলি স্নেহ করেছে তাড়ণ
তবু দারাস্তগণে স্নেহের প্রবণ ॥ ২৯

নিগুণ বন্ধুর প্রতি স্নেহ কেন ধায়
বুঝে ও বুঝিতে নারি কি করি উপায় ॥ ৩০

নিশ্বাস বহিছে মন হয়েছে বিকল
নিঠুর না হতে পারি কি করিব বল ॥ ৩১

মার্কণ্ডেয় বলিলেন ॥ ৩২

এইরূপে করি উভে কথোপকথন
মেধস মূনির পাশে করে আগমন ॥ ৩৩

মুনিসহ যথাযোগ্য করি আলাপন
উপবেশি নানা কথা জিজ্ঞাসে তখন ॥ ৩৪

রাজা বলিলেন ॥ ৩৫

ভগবন্ ! বল মোরে জিজ্ঞাসি কারণ
কিন্তু অনায়ত্ত দ্রব্যে দুঃখ কি কারণ ॥ ৩৬

জ্ঞানী হয়ে মূৰ্খ সম হে মুনিসত্তম
রাজ্যে ও রাজ্যাস্ত্রে মায়া কেন এত মম ॥ ৩৭

বৈশ্য এই দারাস্থত বন্ধু নিগৃহীত
তথাপি তাদের তরে মমতা পীড়িত ॥ ৩৮

দেখি দোষ সংসারের তবু মায়াজালে
মুগ্ধ হয়ে ক্লেশ উভে পাই কিবা বলে ॥ ৩৯

বল মহাভাগ ? জ্ঞানী হয়ে কি কারণ
বিবেকান্ন মূৰ্খ সম মমত্ব বন্ধন ॥ ৪০

ঋষি বলিলেন ॥ ৪১

সর্ববজীবে আছে জ্ঞান বিষয় গোচর
বিষয় আছেয়ে কিন্তু বিবিধ প্রকার ॥ ৪২

কোন জীব দিব্য অন্ধ রাত্রি অন্ধ পরে
উভকালে অন্ধকেও সমদর্শী পরে ॥ ৪৩

মানবেরা জ্ঞানী কিন্তু হুধু তারা নয়
পশু পক্ষী মৃগ আদি সবে জ্ঞানী হয় ॥ ৪৪

পশু পক্ষী জ্ঞান যথা আছে মানবের
মানবের যথা জ্ঞান আছে তাহাদের ॥ ৪৫

জ্ঞানী বটে নৃপ ! কিন্তু হের পার্থীগণ
ক্ষুধাক্রান্ত থাকি নিজে পালে শিশুগণ ॥ ৪৬

প্রতি উপকার আশে মানব নিচয়
ভালবাসে সন্তানেরে দেখ অসংশয় ॥ ৪৭

বিশ্বস্থিতিকারী মহামায়ার বিধানে
পড়িতেছে মোহগর্ভে মমতা-বন্ধনে ॥ ৪৮

কি আশ্চর্য্য আছে এতে নিজে ভগবান্
মহামায়া মায়াবশে যোগ নিদ্রা যান ॥ ৪৯

মহামায়া ভগবতী জ্ঞানীর হৃদয়
সবলে টানিয়া ফেলে সংসার মায়ায় ॥ ৫০

চরাচর বিশ্ব এই তাঁহার সৃজন
যাঁহার প্রসঙ্গে মুক্তি লভে নরগণ ॥ ৫১

বিদ্যারূপে মুক্তি হেতু তিনি সনাতনী
সর্বদেবেশ্বরী ভব বন্ধনকারিণী ॥ ৫২

রাজা বলিলেন ॥ ৫৩

মহামায়া বলি যাঁর করিলে কীর্তন
কেবা তিনি, কার্য্য কি কি, কি ভাবে জনম ॥ ৫৪

জনম কেমনে তার কিরূপ স্বভাবা
কি মূর্ত্তি ধারিণী তিনি শুনিতে বাসনা ॥ ৫৫

ঋষি বলিলেন ॥ ৫৬

জগন্মূর্ত্তি নিত্য তিনি বিশ্ব অজয়িতা
শোন বলি বহুরূপে জনম বারতা ॥ ৫৭

দেব কার্য্য সিদ্ধি হেতু যবে আবির্ভূতা
জনম লভিল বলি ত্রিলোকে আখ্যাতা ॥ ৫৮

প্রলয়ে জগৎ যবে সমুদ্রায়মান
অনন্ত শয্যাতে বিষ্ণু যোগ নিদ্রা যান ॥ ৫৯

বিষ্ণু কর্ণমলোৎপন্ন দৈত্য (১) ছুইজন
করিতে উত্তত হ'ল ব্রহ্মার নিধন ॥ ৬০

বিষ্ণু নাভিদেবে থাকি প্রভু প্রজাপতি
হেরিয়ে অশ্বর তথা স্তম্ভ জগৎ পতি ॥ ৬১

জাগাইতে নারায়ণে হয়ে এক মন
অশেষে করিল যোগ নিদ্রার কীর্তন ॥ ৬২

হরি নেত্রাশ্রয়া যিনি বিশ্বের ঈশ্বরী ৬৩

জগদ্ধাত্রী দেবী সৃষ্টি স্থিতি লয় কারী ॥ ৬৪

ব্রহ্মা বলিলেন ॥ ৬৫

স্বাহা স্বধা যজ্ঞ তুমি স্বর স্বরূপিণী
তুমি স্রধান্ধরা নিত্য ত্রিমাাত্রা রূপিণী ॥ ৬৬

উচ্চারণ অসমর্থ ব্যঞ্জনরূপিণী
সাবিত্রী পরমা দেবি ! জগতজননী ॥ ৬৭

জগৎ সৃজন তব তুমিই পালিনী ৬৮

ধারণ করেছ তুমি প্রলয়কারিণী ॥ ৬৯

(১) দৈত্য = মধু কৈটভ নামা দৈত্যদ্বয় ॥

সৃষ্টিকালে সৃষ্টিরূপা পালনে স্থিতিরূপিণী ॥ ৭০

প্রলয়ে সংহতি রূপা জগতঃ ব্যাপিনী ৭১

মহাবিদ্ধা মহামায়া মহামেধাস্থিতি
মহামোহা মহাদেবী তুমি মহাশূরী ॥ ৭২

সকল কারণ তুমি ত্রিগুণ ধারিণী
কালরাত্রি মহারাত্রি সংমোহ রজনী ॥ ৭৩

তুমি লক্ষ্মীশ্বরী লজ্জা বুদ্ধি স্বরূপিণী ৭৪

তুমি পুষ্টি শান্তি বট ক্ষান্তি স্বরূপিণী ॥ ৭৫

খড়্গিনী শূলিনী ঘোরা গদিনী চক্রিনী
শঙ্খিনী চাপিনী তুমি ভূশক্তি ধারিণী ॥ ৭৬

সৌম্যা সৌম্যতরা, তার চেয়ে ও সুন্দরী
সকল দেবতা শ্রেষ্ঠা পরম-ঈশ্বরী ॥ ৭৭

ভাবি, ভূত, বর্তমান যে শক্তি ধরে
স্বরূপিণী তুমি দেবি ! বর্ণন অতীতে ॥ ৭৮

সৃষ্টিস্থিতি লয়কারী স্বয়ং শ্রীহরিরে
নিদ্রাবশে রেখেছে যে কে তোষিবে তারে ॥ ৭৯

আমি বিষ্ণু শিব জন্ম যাহ'তে লভেছে
তোমাতে বর্ণিতে পারে কার সাধ্য আছে ॥ ৮০

এই মতে নানাশুণ করিয়া কীর্তন
মোহ জন্মাইতে দৈত্যে করে নিবেদন ॥ ৮১

“অচ্যুতের নিদ্রাভঙ্গ করিয়া স্বরিত
মহাসুর বধ কার্যে কর প্রণোদিত ॥” ৮২

ঋষি বলিলেন ॥ ৮৩

তুচ্ছ হয়ে ব্রহ্মাস্তবে দেবী মহামায়া
আবির্ভূত হইলেন ছাড়ি বিষ্ণু কার
বিষ্ণু নেত্র আস্ত্র আদি হৃদি স্থান হ'তে
বাহিরিয়া দাড়াইল ব্রহ্মার গোচরে ॥ ৮৪।৮৫।৮৬

একাগ্ৰবে অহিশায়ী মুক্ত জনার্দন
নিদ্রাত্যজি দৈত্যদ্বয়ে করেন ঈক্ষণ ॥ ৮৭

দুরাত্মা অসুর অতিবীর্য পরাক্রম
ক্রোধে ব্রহ্মবধোদত নেত্র আরক্তিম ॥ ৮৮

বাহু যুদ্ধে বর্ষব্যাপী পঞ্চাশ হাজার
কাটাইল জনার্দন সংগ্রামে তাহার ॥ ৮৯

বলোন্মত্ত মহাস্থর মায়া বিমোহিত ৯০

বলে “চাহ বর বিষ্ণু তোমার ঈপ্সিত” ॥ ৯১

ভগবান বলিলেন ॥ ৯২

তুচ্ছ হয়ে মোরে যদি দিবে কোন বর ৯৩

বধ্য:হও এই মাত্র মাগি এক বর ৯৪

ঋষি বলিলেন ॥ ৯৫

জগদ্ব্যাপী হেরি জল বঞ্চিত অস্থর ৯৬

বিষ্ণু প্রতি কহিলেন বচন মধুর ॥ ৯৭

বধ সেই স্থলে

নহে প্লুত জলে ॥ ৯৮

ঋষি বলিলেন ॥ ৯৯

তথাস্তু বলিয়া শঙ্খচক্র গদাধারী ১০০

জঘনে রাখিয়া শির চক্রে ছেদ করি ॥ ১০১

অস্মাস্তুবে এই মতে দেবীর জনম ১০২

প্রভাব ইহার আরো শোন রাজোত্তম ॥ ১০৩

ইতি মার্কণ্ডেয় পুরাণে সাবর্ণিক মন্বন্তরে

দেবী মাহাত্ম্যে মধুকৈটভ বধ ।

দ্বিতীয় মাহাত্ম্য ।

ঋষি বলিলেন ॥ ১

(যবে) অশুরে মহিষ পতি দেবে পুরন্দর
শতবর্ষব্যাপী যুদ্ধ হ'ল ভয়ঙ্কর ॥ ২

দেবসেনা পরাজিল অশুর নিকরে
ইন্দ্র পদে অভিষিক্ত মহিষ অশুরে ॥ ৩

অগ্রে রাখি ব্রহ্মা পরাজিত দেবগণ
হরিহর সন্নিধানে করিল গমন ॥ ৪

নিজ পরাজয় তথা অশুর পীড়ণ
যথাযথ ভাবে সব করিল বর্ণন ॥ ৫

“সূর্য্য ইন্দ্র বায়ু চন্দ্র সর্ব্বদেব কাজ
কাড়ি নিয়ে স্বর্গে করে অশুর বিরাজ ॥” ৬

“স্বর্গ হ'তে দেবগণে তাড়াইয়া দিলে
মানব সদৃশ তাই ভ্রমি মহীতলে ॥” ৭

“কহিনু অশুর চেষ্টা লইনু শরণ
কিমতে বধিবে তায় করহ চিন্তন ॥” ৮

এত শুনি দেবমুখে শঙ্কু জনার্দন
করিল। ঙ্গকুটী ক্রোধে ভীষণ আনন ॥ ৯

ব্রহ্মা বিষ্ণু মহেশ্বর কোপিত যখন
বাহিরিল মহাতেজ হইতে আনন ॥ ১০

ইন্দ্র আদি অন্য সব দেব কায়া হ'তে
আবিভূত মহাতেজ মিলিল তাহাতে ॥ ১১

জ্বলন্ত পর্বত সম ব্যাপ্ত দিগ্গুণ
দেখে সব দেবগণ ভীষণ অনল ॥ ১২

সর্বদেব শরীরজ তেজ অতুলন
সংমিলনে নারী মূর্তি করিল ধারণ ॥ ১৩

শঙ্কুর তেজেতে হৈল তাহার বদন
বিষ্ণুতেজে বাহু যাম্যে কেশ স্ফটিক ॥ ১৪

চন্দ্রতেজে স্তনদ্বয় ঐন্দ্রে কটিদেশ
বারুণ্যে জজ্ঞোৰু পৃথ্বীতেজে নিতম্ব প্রদেশ ॥ ১৫

ব্রহ্মাতেজে পদদ্বয় অর্কেতে অঙ্গুলি
কৌবেরে নাসিকা বসুতেজে করঙ্গুলি ॥ ১৬

প্রাজাপত্য তেজে দন্ত সমুৎপন্ন হয়
পাবক তেজেতে হ'ল নয়ন ত্রিতয় ॥ ১৭

সম্ভ্রাম্য তেজে ভুরুদ্বয় অনিলে শ্রবণ
অন্য দেবতার তেজে অপর গঠন ॥ ১৮

দেব তেজোদ্ভব নারী করি দরশন
অম্বর-দলিত-দেব আনন্দে মগন ॥ ১৯

শূল হ'তে নিয়া শূল দিলা মহেশ্বর
নিজ চক্র হ'তে চক্র দেন গদাধর ॥ ২০

বরুণ দিলেন শস্তু শক্তি হুতাশন
মারুত দিলেন ধনু তুণ সহ বাণ ॥ ২১

বজ্র হ'তে বজ্র নিয়ে সহস্র নয়ন
ঐরাবত-ঘণ্টা-আদি দেন সেইক্ষণ ॥ ২২

যম দিল কালদণ্ড অম্বুপতি পাশ
কমণ্ডলু অক্ষমালা ব্রহ্মার সকাশ ॥ ২৩

সর্বরোম কূপে রশ্মি দেন দিবাকর
মৃত্যু দেন খড়্গ চর্ম্ম অতি তেজস্কর ॥ ২৪

নিরমল হার তথা অজর অম্বর
দিব্য চূড়ামণি আর কুন্তল বঁলয় ২৫

শুভ্র অর্দ্ধচন্দ্র বাহু ভূষণ কেয়ুর
অনুভ্রম কণ্ঠভূষা বিমল নূপুর ২৬

অঙ্গুল সকলে অঙ্গুরীয়ক সুন্দর
প্রীতিভরে দিল তায় ক্ষীরোদ সাগর ॥ ২৭

বিশ্বকর্মা দিল অতি নিশ্চল কুঠার
অভেদ্য কবচ অস্ত্র বিবিধ প্রকার ॥ ২৮

অগ্নান পঙ্কজ মালা শির বক্ষস্থল
জলনিধি দেন আরো ক্রীড়ন কমল ॥ ২৯

হিমালয় দিল সিংহ বিবিধ রতন
কুবেরের সুরাপূর্ণ পাত্র বিতরণ ॥ ৩০

অনন্ত নাগাধিপতি বিশ্বের ধারণ
মহামণি নাগহার করে বিতরণ ॥ ৩১

ভূষণ আয়ুধ দিলে অন্য দেবগণ
পুনঃ পুনঃ সাউহাসে দেবী সেইক্ষণ ॥ ৩২

ভয়ঙ্কর সে নিনাদে জগত পূরিল
তারচেয়ে ভয়ঙ্কর প্রতিশব্দ হ'ল ॥ ৩৩

সংক্ষুব্ধ সকল লোক সমুদ্র কাপিল
মহীধর সহ ক্ষিতি চালিত হইল ॥ ৩৪

জয় হোক দেবি ! দেব আনন্দ গাইল
ভক্তিনত মুনিগণ তাঁহারে তোষিল ॥ ৩৫

ত্রিলোক সংক্ষুব্ধ দেখি দেব-অরি যত
উত্ততান্ত্র সৈন্য সহ রণে সমুত্তত ॥ ৩৬

আঃ কি হৈল ! ক্রোধে বলি মহিষ অস্ত্র
শব্দ লক্ষ্য করি ধায় সসৈন্যে প্রচুর ॥ ৩৭

পদভরে নতক্ষিতি (কান্তি) ব্যাপ্ত ত্রিভুবন
মুকুট গগন স্পর্শী করে নিরীক্ষণ ॥ ৩৮

ধনুর্বাণ টঙ্কারেতে কাপায়ে পাতাল
সহস্র ভুজেতে দেবী ব্যাপ্তা দিগ্ধাগুল ॥ ৩৯

নানা সস্ত্রে আলোকরি দিক্ দিগন্তর
আরভিল যুদ্ধে উ'ভে অতি ভয়ঙ্কর ॥ ৪০

চিঙ্গুর চামর নামা অস্তর সেনানী
চতুরঙ্গ বলান্বিত যুঝিল আপনি ॥ ৪১

ষাট হাজার রথ নিয়ে উদগ্র যুঝিল
মহাহনু দৈত্য সনে কোটি রথ ছিল ॥ ৪২

পাঁচ কোটি রথ সহ অসিলোমাস্তর
ষষ্ঠিলক্ষে বাস্কলাখ্য যুঝিল প্রচুর । ৪৩

শত শত গজ বাজি কোটি রথ ল'য়ে
যুঝিল পরিবারিত অস্তর সমরে ॥ ৪৪

বিড়ালাক্ষ নামধারী অন্য সেনাপতি
পঞ্চাশত কোটিরথে যুঝিল অরাতি ॥ ৪৫

রথ নাগ হয় রত অপর অস্তর
যুঝিল দেবীর সনে সমরে প্রচুর ॥ ৪৬

হাজার হাজার কোটি হস্তী অশ্ব রথে
পরিবৃত ম'সেন্সর হইল রণেতে ॥ ৪৭

তোমরে মুখলে কেহ পরশু পটিশে
ভিন্দিপালে ধড়গে কেহ তথা শক্তি পাশে ॥ ৪৮

শক্তি অস্ত্র হানি কেহ পাশাস্ত্র অপরে
খড়্গাঘাতে দেবী-বধ উপক্রম করে ॥ ৪৯

নিজ শস্ত্র অস্ত্র দেবী করি বরিষণ
অনায়াসে অস্ত্ররাস্ত্র করিল ছেদন ॥ ৫০

অগ্নান বদনা দেবী দেবর্ষি তোষিতা
দৈত্য দেহেঁ অস্ত্র ফেপি রহে অবস্থিতা ॥ ৫১

কম্পিত কেশর ক্রোধে দেবীর বাহন
ঘোরে সেনা মাঝে যথা বনে ছতাশন ॥ ৫২

যুধ্যমানা ভগবতী ত্যজিলে নিশ্বাস
শত শত সেনাগণ হইল প্রকাশ ॥ ৫৩

দেবীর প্রভাবে তারা নানা অস্ত্র ধরি
যুঝিল সমরে বহু সৈন্য নাশ করি ॥ ৫৪

বাজায় পটহ কেহ শঙ্খধ্বনি করে
মৃদঙ্গ বাজায় কেহ সে ঘোর সমরে ॥ ৫৫

ত্রিশূলে গদায় কিংবা করি খড়্গাঘাত
শক্তি অস্ত্রে করে দেবী অস্ত্র নিপাত ॥ ৫৬

ঘণ্টা শব্দে মুগ্ধ হয়ে ভূমে নিপতিত
পাশ অস্ত্রে বদ্ধাসুর হ'ল আকর্ষিত ॥ ৫৭

তীক্ষ্ণ খড়্গপাতে কারে করিয়া ছেদন
গদাঘাতে মারি কারে করিলা পাতন ॥ ৫৮

মুষল আঘাতে কার রুধির রমন
শূলে ছিন্ন বক্ষ কার ধরণী শয়ন ॥ ৫৯

নিরন্তর শরাঘাতে দৈত্য সৈন্যগণ
আসি রণাঙ্গনে করে প্রাণ বিসর্জন ॥ ৬০

কারো হ'ল ছিন্ন বাহু কারো গ্রীবাদেশ
ছিন্ন শির হ'ল কারো ভিন্ন মধ্যদেশ ॥ ৬১

ছিন্ন জঙ্ঘ মহাসুর ধরায় পড়িল
বাহুনেত্র পদ দেবী খণ্ডন করিল ॥ ৬২

মুণ্ডের ছেদনে কেহ পড়িয়া ভূতলে
পুনর্ব্বার যুঝিবারে উঠিয়া দাঁড়ালে ॥ ৬৩

ছিন্ন মুণ্ড অস্ত্র ধরি সমরে যুঝিল
মিলাইয়ে বাতুলয় কেহবা নাচিল ॥ ৬৪

খড়গ শক্তি ঋষি হস্তে কাটিয়া মুণ্ডন
দেবি ! তিষ্ঠ তিষ্ঠ বলি করে সম্ভাষণ ॥ ৬৫

নিপতিত রথ নাগ অশ্বে রণস্থল
অশ্বরের জনতায় অগন্তব্য হ'ল ॥ ৬৬

অশ্বর সেনার মাঝে হস্তাশ্ব শোণিত
মহানদী প্রায় যেন হ'ল প্রবাহিত ॥ ৬৭

অশ্বরের সেনা দেবী ক্রোধে করে দ্রব
তৃণ কাষ্ঠ রাশি যথা অনলে নাশয় ॥ ৬৮

মহানাদ করি সিংহ দেবীর বাহন
অশ্বর দেহের প্রাণ করে নিঃসারণ ॥ ৬৯

দেবী আর দৈত্য সেনা যুঝিল ভীষণ
স্বর্গে করে পুষ্প বৃষ্টি যত দেবগণ ॥ ৭০

ইতি মার্কণ্ডেয় পুরাণে সার্বর্গিকে মন্বন্তরে দেবী
মাহাত্ম্যে মহিষাশ্বর সৈন্য বধ ॥

তৃতীয় মাহাত্ম ।

ঋষি বলিলেন ॥ ১

নিরখি নিহত সেনা সেনানী চিহ্নুর
ক্রোধে অঙ্গিকার রণে যায় মহাস্বর ॥ ২

তোয়বর্ষে মেঘ যথা গিরি শৃঙ্গোপরে
শরবর্ষে তথাস্বর ব্যাপিল দেবীরে ॥ ৩

অনায়াসে শর দেবী করিয়া ছেদন
অশ্ব গজ সমারথি করিল নিধন ॥ ৪

অতুল্যত ধ্বজ ধনু করিয়া ছেদন
ধনুর্দ্ধারী দেহে বাণ করিল বিদ্ধন ॥ ৫

ছিন্নধনু রথ অশ্ব সারথি বিহীন
খড়্গচন্দ্র নিয়ে ধায় দেবী সম্মুখীন ॥ ৬

হানিয়া সিংহের মাথে খড়্গ তীক্ষ্ণ ধার
বেগে দেবী বামভুজে করিল প্রহার ॥ ৭

পড়িয়া বাহুতে খড়্গ ভাঙ্গিল যখন
ক্রোধে শূল নিল নৃপ ! অরুণ লোচন ॥ ৮

আকাশে ভাতিল যাহা রবি বিশ্ব প্রায়
সেই শূল ক্ষেপিলেন দেবীর কায়ায় । ৯

নিরখি আগত, দেবী শূল নিক্ষেপিল
শূল সহ মহাস্বর শতধা হইল ॥ ১০

মহিষের মহাবীর্য্য সেনানী নিহতে
গজারূঢ় ! চামরাখ্য আসিল রণেতে ॥ ১১

দেবী প্রতি শক্তি অস্ত্র করিলে ক্ষেপণ
হুঙ্কারে করিলা দেবী নিম্প্রভ, খণ্ডন ॥ ১২

ভগ্ন নিপতিত শক্তি নিরখি অস্ত্র
শূল প্রক্ষেপিলে দেবী ভাঙ্গিকরে চুর ॥ ১৩

গজ কুম্ভান্তরে থাকি দেবীর বাহন
তার সনে বাহু যুদ্ধ করিল ভীষণ ॥ ১৪

গজ হ'তে এসে নেমে উভয়ে তখন
পরস্পর প্রহারেতে করিলেক রণ ॥ ১৫

আকাশে উঠিয়া বেগে দেবীর বাহন
করাঘাতে চামরের ছেদিল মুণ্ডন ॥ ১৬

শিলাবৃক্ষাদিতে দেবী উদগ্রে মারিল
দণ্ডমুষ্টি তলাঘাতে করালে হানিল ॥ ১৭

গদাপাতে উদ্ধতাখ্য ভিন্দিতে বাস্কলে
তাম্র অঙ্ককে দেবী বাণেতে হানিলে ॥ ১৮

উগ্রাস্ত্র উগ্রবীৰ্য্যখ্য মহাহনুস্বর.
ত্রিশূলেতে ত্রিনয়না নাশে মহাস্বর ॥ ১৯

অসিঘাতে বিড়ালের শিরছেদ করি
দুর্ধর দুর্মুখ বাণে দেয় যমপূরী ॥ ২০

মহিষ অস্বর হেরি নিজ সেনা ক্ষয়
মহিষ আকারে আসে দেব সেনা চয় ॥ ২১

ভুগাঘাত খুরাঘাত লাঙ্গুল তাড়ন
শৃঙ্গে বিদারিয়ে কারে করিল নিধন ॥ ২২

কারে বেগে কারে নাদে ভ্রমণে কাহারে
নিশ্বাস পবনে ফেলে ভূতলে কাহারে ॥ ২৩

প্রথম সেনানী নাশি বধিতে বাহন
ধাইলে মহিষাস্বর, দেবী রুষ্ঠা হন ॥ ২৪

ধুরন্ধর মহীতলা অস্তর কোপিত
ভীমনাদে শৃঙ্গেফেলে অত্যাচ পর্বত ॥ ২৫

সবেগ ভ্রমণে করি মহী বিদারণ
লাঙ্গুল আহতে অন্ধি করিল প্লাবন ॥ ২৬

শৃঙ্গে বিদারিয়া মেঘ খণ্ডন করিল
নিশ্বাস অনিলে গিরি ভাঙ্গিয়া' পড়িল ॥ ২৭

ক্রোধোদ্দীপ্ত আগমন করি নিরীক্ষণ
অস্তর বধিতে দেবী হইলা কোপন ॥ ২৮

পাশ অস্ত্রে মহাঅস্তর করিলে বন্ধন
মহিষ আকার বুদ্ধে ত্যজি ভতক্ষণ ॥ ২৯

ধরে সিংহরূপ, দেবী ছেদিলে মুণ্ডন
খড়গহস্তে দেখাদিল পুরুষ ভাষণ ॥ ৩০

খড়গ চর্মসহ, বাণে করিলে ছেদন
মহাগজরূপ সেই করিল ধারণ ॥ ৩১

শুণ্ডে টানি মহাসিংহে করিলে গর্জজন
খড়গাঘাতে শুণ্ড দেবী করিলা ছেদন ॥ ৩২

মহাস্থর ধরি পুনঃ মহিষ আকার
সংক্ষোভিল চরাচর ত্রিলোক সংসার ॥ ৩৩

ক্রোধে চণ্ডী অত্যাভ্রম মদ করি পান
পুনঃ পুনঃ হাসে দেবী অরুণ লোচন ॥ ৩৪

বলবীৰ্য্য মদোদ্ধতাস্থর করি গরজন
শৃঙ্গ-ক্ষিপ্ত-গিরি করে দেবীতে ক্ষেপণ ॥ ৩৫

কহিতে লাগিলা, তাহা চূর্ণকরি শরে
মদোদ্ধূত মুখরাগ অব্যক্ত অক্ষরে ॥ ৩৬

দেবী বলিলেন ॥ ৩৭

গর্জ্জ গুঢ় ! মধু পান করি যতক্ষণ
তোমাতে বধিলে দেব করিবে গর্জ্জন ॥ ৩৮

ঋষি বলিলেন ॥ ৩৯

এই ব'লে উর্দ্ধে উঠে করি আরোহণ
কণ্ঠ ঘেরি পদে, (বক্ষে) শূল করিল বিদ্ধন ॥ ৪০

নিজাননে জাতাস্থর অর্ধ নিঙ্গামিত
থাকিতে করিলা দেবী বীৰ্য্যেতে সংযুত ॥

অর্দ্ধজাত মহাসুর করে যবে রণ
অসিঘাতে মুণ্ডছেদি করে নিপাতন ॥ ৪২

হাহাকার করি দৈত্যসেনা পলাইল
অশেষে অমরগণ আনন্দিত হ'ল ॥ ৪৩

মহর্ষি সহিত দেব চণ্ডীরে তোষিল
গন্ধর্ব্ব করিল গান অপ্সর নাচিল ॥ ৪৪

ইতি মার্কণ্ডেয় পুরাণে সাবর্ণিক মন্বন্তরে দেবী
মাহাত্ম্যে মহিষাসুর বধ ॥

চতুর্থ মাহাত্ম্য ।

ধামি বলিলেন ১ ॥

সসৈন্য মহিষাসুর হইলে নিহত
নত করি গ্রীবা স্কন্ধ যতেক অমর
আনন্দ পুলকজাত চারুকলেবর
তোষিলেন চণ্ডিকায় হইয়ে প্রণত ॥ ২

সর্বদেব-শক্তিমূলে যেই প্রকাশিতা
বিরাজিছ ধরামাঝে দেবাদি পূজিতা
ভকতি হৃদয়ে মাতঃ করি নমস্কার
সাধহ কল্যাণ দেবি ! দেব সবাংকার ॥ ৩

ব্রহ্মা বিষ্ণু শিব আদি যত দেবগণ
করিতে অশ্রুত যার মহিমা কীর্তন
নাশিতে অশিব ভয় পালিতে সংসার
করগো মনন দেবি ! করি নমস্কার ॥ ৪

লক্ষ্মীরূপে স্থিতা যিনি স্কৃতি ভবনে ।
অলক্ষ্মী স্বরূপা পুনঃ পাপাত্মা সদনে
কৃতধী হৃদয়ে বুদ্ধি শ্রদ্ধা সাধুজনে
স্কুলজে লজ্জারূপা রক্ষ বিশ্বজনে ॥ ৫

কি বর্ণিব চিন্তাতীত এরূপ তোমার
অম্বর বিনাশকারী বীর্য চমৎকার
প্রকটিলে যে চরিত্র দেবাসুরা হবে
অচিন্ত্য বর্ণনাতীত তাই কে বর্ণিবে ॥ ৬

সত্ত্ব রজ স্তমোময়ী জগত কারণ
হরিহর অজানিত (কি) ছার দেবগণ

সর্বদায়ত্বত্বা বিশ্ব তব অংশত্বত্বা
পরমা প্রকৃতি আত্মা দেবী অবিকৃতত্বা ॥ ৭

স্বাহা স্বধা দেব বজ্র পিতৃ হবির্দানে
উচ্চারিলে প্রীতি সর্বদেব পিতৃগণে
স্বাহা স্বধা অংশ তব অন্ত কিছু নয় ।
তাই স্বাহা স্বধা ব'লে তোমাকেই কয় ॥ ৮

মুক্তির কারণ দেবি ! বিদ্যাস্বরূপিণী
চিন্তাতীতা স্মহতী ঐশ্বর্য্য শালিনী
মোক্ষকাম জিতেন্দ্রিয় তাই মুনিগণ
কামক্রোধ ত্যজি তোমা চিন্তে অনুক্ষণ ॥ ৯

বেদের আশ্রয় রম্যা শব্দ স্বরূপিণী
বেদ তুমি দেবী তুমি ঐশ্বর্য্য শালিনী
বার্তারূপা দেবী তুমি জগত পালিনী
জগতের দরিদ্রতা দুঃখ বিনাশিনী ॥ ১০

মেধা তুমি সর্বশাস্ত্র সার বিজ্ঞায়িণী
দুর্গম সংসারে একা সাগর তরণী
লক্ষ্মীরূপে কৈটভারি হৃদয় বাসিনী
দুর্গা গৌরী তুমি শশি মৌলি বিহারিণী ॥ ১১

ক্ষীণহাসি নিরমল স্বর্ণকান্তি সম
যে মুখ তোমার দেবি ! পূর্ণচন্দ্রোপম
আশ্চর্য্য ! মহিষাসুর নিরখি নয়নে
আগ্নিক্রোধে প্রহারিল সহসা বদনে ॥ ১২

চন্দ্রকান্তি সম দেবি ! সুন্দর বদন
ক্রোধে ববে হয়েছিল ভুবুটীভীষণ
না মরিল অশ্বরেন্দ্র করি নিরীক্ষণ
আশ্চর্য্য ঘটনা বটে আশ্চর্য্য ঘটন
কোপিত বমের মুখ দরশন করি
বাঁচিতে পারে কি কেহ পারে কি না মরি ॥ ১৩

আনুকূলি দেবগণে হয়ে কোপান্বিত
সংহর সংহর দেবি ! অশ্বরে ত্বরিত
হ'লে তুমি কোপবতী সুবিশাল বল
অশ্বরের, পাবে নাশ অশ্বরের দল ॥ ১৪

প্রসন্না বাহারে তুমি অভীষ্ট দায়িনি !
জনপদ মাঝে হয় সেইতো সন্মানী
ধন কিংবা বশোরাশি চতুর্বর্গ যত
নিরুদ্ধিগ্ন পুত্রভৃত্য (দারে) কৃতার্থ সতত ॥ ১৫

তব প্রসন্নতা হেতু লোক পুণ্যবান
প্রতিদিন করিতেছে ধর্ম অনুষ্ঠান
তাই তারা স্বর্গধাম অধিকারী হয়
লোকত্রেয়ে ফলদাত্রী তুমি অসংশয় ॥ ১৬

শঙ্কটে ভয়াব্ধজনে করিলে স্মরণ
কর জীব-ভীতিনাশ, কল্যাণ সাধন
শুভ মতি দেও তারে অভয়ে যে ডাকে !
দরিদ্রতা দুঃখভয় হারিণী চণ্ডিকে !
তুমি বিনা প্রাণিগণ কল্যাণ সাধিতে
দয়াদ্র হইবে চিন্ত কার ধরণীতে ॥ ১৭

হইবে জগতে সুখ অম্বর নিধনে
সঞ্চিবেনা পুনঃ পাপ নরক গমনে
সংগ্রামে হইলে হত পাবে দিব্যালোক
তাই দেবি ; সংহারিছ দেবাসুর লোক ॥ ১৮

অনুথা করিলে দৃষ্টি যারা ভয়সাৎ
তাদের বিনাশ হেতু কেন শস্ত্রাবাত
শস্ত্রাবাতে পাবে স্বর্গ জানিয়ে আপনি
করেছ যে বিবেচনা অতি সাধ্বী জানি ॥ ১৯

শ্রীশ্রীচণ্ডী ।

উগ্র খড়্গ প্রভা, তীক্ষ্ণ কান্তিপুঞ্জ শূল
কেননা হানিল দৃষ্টি দেবারির কুল
অংশুমল ইন্দুখণ্ড সম তবানন
নেহারিল তাই দেবি ! না হ'ল পতন ॥ ২০

দুর্বৃত্ত-বৃত্ত-শমন তোমার চরিত
হতদেব অস্ত্রের নাশক বিক্রম
বৈরিকূলে যথা দয়া করি প্রকটিত
অচিন্ত্য তুলনাতে অবর্ণ্য অসীম ॥ ২১

শত্রুভয় প্রদা তবরূপ মনোহর
পরাক্রম তব দেবি ! উপমা রহিত
হৃদে কৃপা কিন্তু দেবি ! সমরে নিঠুর
না হেরিনু ভবে আর এহেন চরিত ॥ ২২

তারিলে অখিল বিশ্ব নাশি অরিকূল
গেল চলি দিব্যধামে সংগ্রাম নিধনে
দেবগণ ভীতিযত হইল নিশ্চূল
তাই করি প্রণিপাত তোমার চরণে ॥ ২৩

শূল খড়্গ ঘণ্টাধ্বনি ধনু-জ্যা টঙ্কারে
করহ পালন দেবি ! আমা সবাচারে ॥ ২৪

আত্ম শূল পরিভ্রমি সৌম্য ঘোররূপে
 যাহে বিরাজ ত্রিলোকে
 হস্তস্থিত খড়্গশূলে দিক্ চতুর্দিকে
 পালহ দেবতা সবে সহ ধরণীরে ॥ ২৫ ॥ ২৬ ॥ ২৭

ঋষি কহিলেন ॥ ২৮

নন্দন কানন জাত পুষ্প গন্ধার্চিত
 হইলা চণ্ডিকা দেবী দেবতা তোষিত ॥ ২৯
 ভক্তিদেয় দিব্যধূপে প্রসন্ন আননে
 সম্ভাষিলা চণ্ডী দেবী নত সুরগণে ॥ ৩০

দেবী বলিলেন ॥ ৩১

হয়েছি সন্তুষ্টা স্তবে তোমা সবাধার
 যাচ দিব সেই বর ঈপ্সিত সবার ॥ ৩২

দেবতাগণ বলিলেন ॥ ৩৩

বধিয়া মহিমাস্বর করেছ সকল
 নাহি আর বাকী কিছু চাহিতে স্তফল ॥ ৩৪

তবু যদি দিবে বর ওগো মহেশ্বর !
 বিপদে করিও ত্রাণ যবে তোমা স্মরি ॥ ৩৫

এই স্তবে যে মানব তোষিবে তোমায়
দিও মা অমলাননে ! বিভব নিচয় ॥ ৩৬

বিন্ত ধন দারাস্থত ঐশ্বর্য্য সম্পদ
বাড়াইয়ে দিও তার অশ্বিকে ! সতত ॥ ৩৭

ঋষি বলিলেন ॥ ৩৮

আত্মা আর জগদৰ্থে করিলে তোষিত
“তথাস্তু” হইবে বলি দেবী অন্তর্হিত । ৩৯

জগত্রয় হিতৈয়িনী দেবী পূৰ্ব্বকালে
কহিলাম যথা দেব দেহে জনমিলে ॥ ৪০

শুভ নিশুভাদি দুষ্ক দেবারি নিধনে
দেব উপকার হেতু ত্রিলোক রক্ষণে ॥ ৪১

যেই ভাবে গোঁরী দেহে হয় সমদ্ব্যুত
শোন বলি যথাবৎ সেসব বারতা ॥ ৪২

ইতি মার্কণ্ডেয় পুরাণে সাবর্ণিক
মন্ত্ৰস্তরে দেবী মাহাত্ম্যে মহিষাসুর বধ সমাপ্ত ॥

পঞ্চম মাহাত্ম্য ।

স্বামি বলিলেন ॥ ১

মদবলে যবে শুভ্র নিশুভ্র অক্ষর
হরেছিল বজ্রভাগ ইন্দ্রের ত্রিলোক ॥ ২

কুবের বরুণ চন্দ্র আদি দেবতার
কেড়ে নিল সূর্য্য বম অগ্নি অধিকার ॥ ৩

তিরস্কৃত অষ্টরাজ্য হয়ে পরাভূত
হৃত স্বর্গ স্বাধিকার হইতে বিচ্যুত ॥ ৪

আসিয়া মিলিলা তবে সর্ব্ব দেবগণ
চণ্ডিকার বর প্রতি করিলা স্মরণ ॥ ৫

নাশিবে আপদ সৃষ্টি করিলে স্মরণ
দিয়াছিল এই বর প্রতি দেবগণ ॥ ৬

এইরূপে দেবগণ ভাবিয়া মনেতে
হিমালয়ে গেল চলি দেবীরে তোষিতে ॥ ৭

দেবগণ বলিলেন ॥ ৮

নমো দেবী মহাদেবী প্রকৃতি কল্যাণী
নমো দেবী পালয়িত্রী মঙ্গল সাধিনী ॥ ৯

নমো দেবী রুদ্রা, গৌরী, ধাত্রী রূপধারী
নমো দেবী নিত্যা তুমি জ্যোৎস্না রূপিণী ॥
নমো দেবী ইন্দুরূপা আনন্দ দায়িনী
নমো দেবী কল্যাণীনি সম্পদ রূপিণী । ১০

নমো দেবী সিদ্ধিরূপা রাজলক্ষ্মীশ্বরী
অলক্ষ্মীরূপিণী দেবী নমো মহেশ্বরী ॥ ১১

নমো দুর্গা ব্রাহ্মরূপা দুর্গম তারিণী
কৃষ্ণ ধূত্ররূপা দেবী সকল জননী ॥ ১২

সৌম্য্যতি রুদ্র রূপিণী জগত পালিকে !
দেবযুক্তি ক্রিয়ারূপা নমামি অশ্বিকে ॥ ১৩

বিষ্ণু মায়ারূপে যিনি সর্বভূতে স্থিতা ১৪। ১৫
প্রণমামি মাহেশ্বরী মায়েতি শক্তিা ॥ ১৬

চিৎরূপে যেই দেবী সর্বভূতে স্থিতা ১৭। ১৮
প্রণমামি মাহেশ্বরী মায়েতি শক্তিা ॥ ১৯

বুদ্ধিরূপে যেই দেবী সর্বভূতে স্থিতা ২০। ২১
প্রণমামি মাহেশ্বরী মায়েতি শক্তিা ॥ ২২

নিদ্রারূপে যেই দেবী সর্বভূতে স্থিতা ২৩।২৪

প্রণমামি মাহেশ্বরী মায়েতি শব্দিতা ॥ ২৫

ক্ষুধারূপে যেই দেবী সর্বভূতে স্থিতা ২৬।২৭

প্রণমামি মাহেশ্বরী মায়েতি শব্দিতা ॥ ২৮

ছায়ারূপে যেই দেবী সর্বভূতে স্থিতা ২৯।৩০

প্রণমামি মাহেশ্বরী মায়েতি শব্দিতা ॥ ৩১

শক্তিরূপে যেই দেবী সর্বভূতে স্থিতা ৩২।৩৩

প্রণমামি মাহেশ্বরী মায়েতি শব্দিতা ॥ ৩৪

তৃষ্ণারূপে যেই দেবী সর্বভূতে স্থিতা ৩৫।৩৬

প্রণমামি মাহেশ্বরী মায়েতি শব্দিতা ॥ ৩৭

ক্ষান্তিরূপে যেই দেবী সর্বভূতে স্থিতা ৩৮।৩৯

প্রণমামি মাহেশ্বরী মায়েতি শব্দিতা ॥ ৪০

জ্ঞাতিরূপে যেই দেবী সর্বভূতে স্থিতা ৪১।৪২

প্রণমামি মাহেশ্বরী মায়েতি শব্দিতা ॥ ৪৩

লজ্জারূপে যেই দেবী সর্বভূতে স্থিতা ৪৪।৪৫

প্রণমামি মাহেশ্বরী মায়েতি শব্দিতা ॥ ৪৬

শান্তিরূপে যেই দেবী সর্বভূতে স্থিতা ৪৭।৪৮

প্রণমামি মাহেশ্বরী মায়েতি শব্দিতা ॥ ৪৯

শ্রদ্ধারূপে যেই দেবী সর্বভূতে স্থিতা ৫০।৫১

প্রণমামি মাহেশ্বরী মায়েতি শব্দিতা ॥ ৫২

কান্তিরূপে যেই দেবী সর্বভূতে স্থিতা ৫৩।৫৪

প্রণমামি মাহেশ্বরী মায়েতি শব্দিতা ॥ ৫৫

লক্ষ্মীরূপে যেই দেবী সর্বভূতে স্থিতা ৫৬।৫৭

প্রণমামি মাহেশ্বরী মায়েতি শব্দিতা ॥ ৫৮

বৃত্তিরূপে যেই দেবী সর্বভূতে স্থিতা ৫৯।৬০

প্রণমামি মাহেশ্বরী মায়েতি শব্দিতা ॥ ৬১

স্মৃতিরূপে যেই দেবী সর্বভূতে স্থিতা ৬২।৬৩

প্রণমামি মাহেশ্বরী মায়েতি শব্দিতা ॥ ৬৪

দয়ারূপে যেই দেবী সর্বভূতে স্থিতা ৬৫।৬৬

প্রণমামি মাহেশ্বরী মায়েতি শব্দিতা ॥ ৬৭

তুষ্টিরূপে যেই দেবী সর্বভূতে স্থিতা ৬৮।৬৯

প্রণমামি মাহেশ্বরী মায়েতি শব্দিতা ॥ ৭০

মাতুরূপে যেই দেবী সৰ্ব্বভূতে স্থিতা ৭১।৭২
প্রণমামি মাহেশ্বরী মায়েতি শক্তিা ॥ ৭৩

ভ্রান্তিরূপে যেই দেবী সৰ্ব্বভূতে স্থিতা ৭৪।৭৫
প্রণমামি মাহেশ্বরী মায়েতি শক্তিা ॥ ৭৬

পঞ্চভূত দশেন্দ্রিয় অধিষ্ঠাত্রী তুমি
সকল জীবেতে ব্যাপ্তা চণ্ডিকে ! নমামি ॥ ৭৭

চিৎরূপে যিনি সৰ্ব্বভূতের আধার ৭৮।৭৯
নমস্কার করি তাঁয় করি নমস্কার ॥ ৮০

দেবাসুর রণে যিনি দেবতা সংস্তুতা
প্রতিদিন হন যিনি সুরেন্দ্র সেবিতা
উদ্ধৃত দৈত্য তাপিত দেবতা, যাহার
ভকতি বিনম্র দেহে করে নমস্কার
স্মরণে বিপদ রাশি বিনাশ কারণ
হোক তিনি শুভদাত্রী বিপদ বারণ ॥ ৮১।৮২

ঋষি বলিলেন ॥ ৮৩

(রাজন্) এইরূপে স্তব যবে করে দেবগণ
স্নান হেতু জাহ্নবীতে দেবীর গমন ॥ ৮৪

কাহার এস্তুব কর করিলে জিজ্ঞাসা
দেবী দেহ সমুদ্ভূতা বলিলেন শিবা ॥ ৮৫

“শুভ নিশুভের রণে হয়ে পরাজিত
মোরে স্তুব করিতেছ দেব সমবেত” ॥ ৮৬

পার্বতী শরীর কোষ হ’তে সমুদ্ভূতা
কৌষিকী বলিয়া তাই ভুবনে বিখ্যাতা ॥ ৮৭

কৌষিকীর আবির্ভাব হইল যখন
হিমাচল কৃতাত্ময়া পার্বতী তখন
কৃষ্ণবর্ণে দেখা দিলা হ’য়ে আবিভূতা
কালিকা নামেতে তাই সংসারে আখ্যাতা ॥ ৮৮

ধরিয়া সুন্দর রূপ কৌষিকী রহিল
চণ্ডমুণ্ড ভূত্য আসি তাঁহারে দেখিল ॥ ৮৯

বলিল তাহারা আসি শুভ মহারাজে
হিমাচল শোভমানা কে নারী বিরাজে ॥ ৯০

অতু্যন্তম রূপ কেহ দেখেনি কখন
জান এই নারী কেবা করহ গ্রহণ ॥ ৯১

দিদ্বাগুল উদ্ভাসিয়া স্ত্রীরত্ন হৃন্দরী
রয়েছে দেখিতে যোগ্য হয় দেবতারি ! ॥ ৯২

প্রভো) ত্রিলোকের শ্রেষ্ঠ হস্তী অশ্ব রত্ন মণি
শোভিছে তোমার গৃহে কত মহামণি ॥ ৯৩

ইন্দ্র হ'তে আনিয়াছ গজ ঐরাবত
উচ্চৈঃশ্রবা হয় আর তরু পারিজাত ॥ ৯৪

হংসযুক্ত অত্যদ্বূত ব্রহ্মার বিমান
রয়েছে শোভিয়া তব আপন প্রাঙ্গন ॥ ৯৫

কুবেরের মহাপদ্ব নিধি হয়েছে আনীত
কিঞ্জকিনী পদ্মমালা সাগর অর্পিত ॥ ৯৬

স্বর্গস্রাবি (বরুণ) ছত্র, প্রজাপতি শ্রেষ্ঠ রথ
শোভিতেছে তব গৃহে অতি মনোহর ॥ ৯৭

যমের (উৎ) ক্রান্তিদা শক্তি এনেছ হরিয়া
বরুণের পাশ, সর্ব সাগর রতন
ঝলসিছে নিশুস্তের বাহুতে শোভিয়া ৯৮
দিয়াছে অগনি তব অদাহ্য বরণ ॥ ৯৯

(দৈত্যেন্দ্র !) অন্ত্র যত সর্বশ্রেষ্ঠ এনেছ রতন
কল্যাণী এ রত্ন কেন না কর গ্রহণ ॥ ১০০

ঋষি বলিলেন ॥ ১০১

শুনিয়া বচন শুস্ত চণ্ড মুণ্ড যুখে
পাঠাইল স্ত্রীবেরে দেবীর সন্মুখে ॥ ১০২

দেবীকে বলিবে যথা বলিনু আপনি
বাতে প্রীতি সহ আসে করিবে তেমনি ॥ ১০৩

গেল দূত যথা দেবী স্ত্রীর প্রদেগে
কহিতে লাগিল মুদু স্তমধুর ভাষে ॥ ১০৪

দূত বলিলেন ॥ ১০৫

(দেবি !) ত্রিলোকের অধিপতি শুস্ত মহারাজ
পাঠাইল দূত মোরে তোমার সকাশ ॥ ১০৬

যার আজ্ঞা দেবগণে রহে অব্যাহত
যার তরে দেবগণ রণে পরাজিত
যে বারতা লয়ে মোরে করেছে প্রেরণ
অশেষে কহিনু সব করহ শ্রবণ ॥ ১০৭

সমস্ত ত্রিলোক মম দেব মম বশে
সর্ব যজ্ঞভাগ অশেষ বিশেষে ॥ ১০৮

“ত্রিলোকের শ্রেষ্ঠ গজ মানিক রতন
বশীভূত আছে মম সুরেন্দ্র বাহন ॥ ১০৯

“সাগর মন্থনে দেব যে অশ্ব রতন
লভেছিল, তাভ মোরে করেছে অর্পণ ॥ ১১০

“দেব গন্ধর্ব উরগে যা কিছু রতন
সকলি আমার বশে হয়েছে এখন ॥ ১১১

“রত্নভূজ বলি মোরা জানে সর্বজন
স্ত্রীরত্ন স্নন্দরি ! কর মোদেরে গ্রহণ ॥ ১১২

(চঞ্চলা পাস্গি!) লোক মাঝে তুমি বট রমনী রতন
ভজ মোরে কিংবা কর নিশ্চিন্তে বরণ ॥ ১১৩

অতুল ঐশ্বর্য্যে রবে করিলে গ্রহণ
তাই বিবেচিয়া কর আমাকে বরণ ॥ ১১৪

ঋষি বলিলেন ॥ ১১৫

জগদ্ধাত্রী দেবী শুনি দূতের বচন
সুগভীর মৃদু হাসে কহিল তখন ॥ ১১৬

দেবী বলিলেন ॥ ১১৭ ॥

(হে দূত !) শুভ নিশুভের কথা যে বলিলে তুমি
ত্রিলোকের অধিপতি জানি সত্য আমি ॥ ১১৮

(শোন দূত) ক্ষীণমতি শিশুকালে যে করেছি পণ
কি করিয়া মিথ্যা তাহা করিব এখন ॥ ১১৯

দর্প নাশ করি যিনি জিনিবেক রণ
তুল্য বলশালী তায় করিব বরণ ॥ ১২০

যে হয় তাদের শীত্র আসি একজন
জিনিয়া সংগ্রামে মোরে করুক গ্রহণ ॥ ১২১

দূত বলিলেন ॥ ১২২

গর্ব্ব না করিও দেবী ! কে আছে ত্রিলোকে
দাড়াইতে সাধ্য কার দেবারি সম্মিথে ॥ ১২৩

ত্রিদশ দাড়াতে নারে যার দৈত্য রণে
যাইবে শুভের পাশ একাকী কেমনে ॥ ১২৪

ইন্দ্রাদি তিষ্ঠিতে নারে যাহার সংযুগে
কেমনে অবলা তুমি যাইবে সম্মুখে ॥ ১২৫

কেশাকর্ষণ অগৌরব হইবে তোমার
নাহি যদি যাও তথা বচনে আমার ॥ ১২৬

দেবী বলিলেন ॥ ১২৭

সত্য বটে শুভ্র আদি অতি বলবান
কি করি করেছি পণ না করে চিন্তন ॥ ১২৮

যা বলিনু কহ যেয়ে অম্বরেন্দ্র প্রতি
করিবেন যুক্ত যাহা দৈত্য অধিপতি ॥ ১২৯

ইতি মার্কণ্ডেয় পুরাণে সাবর্ণিক মন্বন্তরে দেবী
মাহাত্ম্যে দেবীর দূত সংবাদ ॥

ষষ্ঠ মাহাত্ম্য ।

ঋষি বলিলেন ॥ ১

শুনিয়া দেবীর বাণী ক্রোধেতে বিহ্বল
আসিয়া বলিল নৃপে ব্রহ্মাস্ত্র সকল ॥ ২

দূত মুখে শুনি কথা সক্রোধে দেবারি
সম্বোধিয়া বলে দৈত্যে ধূত্র নাম ধারী ॥ ৩

যাও ধূত্র ! সৈন্য সহ যাও শীঘ্র করি
কেশাকর্ষি নিয়ে এস সেই দুর্জা নারী ॥ ৪

দেব, যক্ষ, গন্ধর্ব্ববা পরিত্রাণে তার
নাশিবে, আসিবে যেই, সম্মুখে তোমার ॥ ৫

ঋষি বলিলেন ॥ ৬ .

পাইয়া আদেশ দূত ধূত্র নাম ধারী
ছ'অযুত সেনা নিয়ে গেল শীঘ্র করি ॥ ৭

হিমাচল নিবাসিনী দেখিয়া দেবীরে
উচ্চভাষে বলে দূত তথা যাইবারে ॥ ৮

“প্রীতিতে যদি না যাবে প্রভুর সদনে
বল করি নিব কেশাকর্ষণ পীড়ণে” ॥ ৯

দেবী বলিলেন ॥ ১০

দানব প্রেরিত সৈন্যে পরিবৃত
তুমি নিজে বলধারী,
যদি বল ক'রে নিয়ে যাবে মোরে
বল কি করিতে পারি ॥ ১১

স্বাধি বলিলেন ॥ ১২

শুনি কথা, দেবী প্রতি হইলে ধাবিত
হুঙ্কারে করিলা দেবী ধৃত্রে ভগ্নীভূত ॥ ১৩

অশ্বরের মহাসৈন্য ক্রোধ সহকারে
শক্তি আদি তীক্ষ্ণ বাণ হানিল দেবীরে ॥ ১৪

দেবীর বাহন সিংহ কম্পিত-কেশর
পড়ি ক্রোধে উচ্চনাদে দৈত্য সেনোপর ॥ ১৫

কারে কর-প্রহারেতে বদনে কাহারে
আক্রমিয়া মহাক্রোধে বধিল অশ্বরে ॥ ১৬

নখেতে বিদীর্ণ করে উদর কাহার
তলাঘাতে ছিন্ন শির করিল তাহার ॥ ১৭

ছিন্ন বাহু শির, সিংহ করিয়া অপরে
উদর শোণিত পান করিল বিস্তরে ॥ ১৮

এইরূপে ক্ষণকালে কোপিত বাহন
অশ্বরের বল যত করিল নিধন ॥ ১৯

দেবী করে ধূত্র বধ সিংহবলক্ষয়
শুনি দৈত্য অধিপতি কোপাশ্বিত হয় ॥ ২০

কম্পিত অধরে ডাকি চণ্ড মুণ্ডাস্বরে
আদেশ করিল কত অশেষ প্রকারে ॥ ২১

চণ্ড ! মুণ্ড ! হয়ে বহু সৈন্তে পরিবৃত
যাও তথা আন সেই নারীকে দ্বরিত ॥ ২২

এনো কেশেধরি কিংবা করিয়া বন্ধন
সংশয়ে, করিও সবে অস্ত্রে প্রহরণ ॥ ২৩

হত প্রায় হ'লে দুষ্ঠা, সিংহেরে মারিয়া
বেঁধে নিয়ে অশ্বিকারে আসিবে চলিয়া ॥ ২৪

ইতি মার্কণ্ডেয় পুরাণে সাবর্ণিক মন্বন্তরে দেবী
মাহাত্ম্যে শুভ্র নিশুভ্র সেনানী ধূত্রলোচন বধ ॥

সপ্তম মাহাত্ম্য ।

ঋষি বলিলেন ॥ ১

আজ্ঞা পেয়ে চণ্ড মুণ্ড আদি দৈত্যগণ
অস্ত্র সহ চতুরঙ্গে করিল গমন ॥ ২

স্ববর্ণ শৈলেন্দ্র শৃঙ্গে কেশরী-বাহন
মুদু হাসি চণ্ডিকায়ে করিল ঈক্ষণ ॥ ৩

বাণ অসি ধরি করে ধরিতে উদ্যত
আসিলা নিকটে তাঁর অশ্বর উদ্ধত ॥ ৪

তা দেখি অরির প্রতি কোপিত ভীষণ
মসীবর্ণ হ'ল কোপে দেবীর বদন ॥ ৩

অসি-পাশ ধারী কালী করাল বদন
ললাটেতে জনমিল, ভ্রুকুটী ভীষণ ॥ ৬

বিচিত্র যষ্টিধারিনী নরমালা বিভূষণ
ব্যান্ধ চন্দ্র পরীধানা শুষ্ক মাংসাতীভীষণ ॥ ৭

ভীতীপূর্ণ লোলজিহ্বা অতি বিস্তার বদনা
নাদে পূর্ণ দিগ্ধগুলা নিমগ্নারক্ত নয়না ॥ ৮

প্রহারিয়া মহাস্বরে পড়ি ক্ষিপ্ত গতি
ভক্ষণ করিলা সেনা ত্রিদশ অরাতি । ৯

পার্ষিক প্রাহাকুশ গজ যুদ্ধ বণ্টাধারী
দিলে সব মুখে ফেলি এক হস্তে ধরি ॥ ১০

অশ্ব সহ অশ্বারোহী সরথ সারথি
দশানে চৰ্ব্বন করে মুখে ফেলি অতি ॥ ১১

কাৰে ধৰি কেশে কাৰে ধৰি গ্ৰীবাদেশে
পদাঘাতে মারি কাৰে মৰ্দ্দিল উৰসে * ॥ ১২

নিষ্কিপ্ত অশ্বৰ শস্ত্ৰ মহা অস্ত্ৰগণ
মুখে ধৰি ক্ৰোধে কৈলা দন্তেতে চূৰ্ণন ॥ ১৩

মহাবল অশ্বরের যত সৈন্যগণ
ভক্ষণ, মৰ্দ্দন কিংবা করিলা তাড়ণ ॥ ১৪

খট্টাঙ্গে তাড়িলা কাৰে অসিতে হানিলা
দন্তাঘাতে হত করি অশ্বৰ নাশিলা ॥ ১৫

ক্ষণ মৰ্যে দৈত্যবল হেরিয়া নিধন
খাইল কালীৰ প্ৰতি চণ্ড মেইক্ষণ ॥ ১৬

শরবৰ্ষে চণ্ডাশ্বৰ চক্ৰে মুণ্ডবীৰ
আচ্ছাদিল ত্ৰিনয়না দেবীৰ শরীৰ ॥ ১৭

প্ৰবেশিয়া চক্ৰগুলি দেবীৰ বদন
মেঘমাৰে অৰ্কবিন্ধ শোভিল যেমন ॥ ১৮

শ্রীশ্রীচণ্ডী

রোষে ভীম হাসে কালী ভৈরবনাদিনী
দংষ্ট্রোজ্জ্বল ভীমবদ্র। দুর্দর্শ দন্তিনী ॥ ১৯

হং শব্দেতে অসি নিয়ে চণ্ডে ধেয়ে গেল
কেশে ধরি শির তার তখনি ছেদিল ॥ ২০

চণ্ডে হত দেখি মুণ্ড দেবী প্রতি ধায়
দেবী খড়্গাঘাতে সেও পড়িল ধরায় ॥ ২১

হত চণ্ড মুণ্ডে দেখি অন্য সৈন্যগণ
ভীত হয়ে চারিদিকে করে পলায়ন ॥ ২২

চণ্ড মুণ্ড শির কালী করিয়া গ্রহণ
উচ্চহাসে চণ্ডী প্রতি কহিলা তখন ॥ ২৩

যুদ্ধ যজ্ঞে মহাপশু দিনু উপহার
শুস্ত নিশুস্তকে নিজে করহ সংহার ॥ ২৪

ধাষি বলিলেন ॥ ২৫

মহাসুর শির সহ হেরি কালিকারে
কল্যাণী চণ্ডিকা কহে স্তমধুর স্বরে ॥ ২৬

চণ্ড মুণ্ড শির নিয়ে এলে যেই হেথা
চামুণ্ডা বলিয়া লোকে হইবে বিখ্যাতা ॥ ২৭

ইতি মার্কণ্ডেয় পুরাণে সাবর্ণিক মন্বন্তরে
দেবী মাহাত্ম্যে চণ্ড মুণ্ড বধ ॥

অষ্টম মাহাত্ম্য ।

ঋষি বলিলেন ॥ ১

সেনা সহ চণ্ড মুণ্ড হইলে নিহত
বহু সৈন্য ক্ষতি হেতু কোপাবিষ্ট চিত ॥

অশ্বরের অধিপতি শুভ বলবান্
যুদ্ধার্থে সকল সেনা করে আজ্ঞাদান ॥

যড়শীতি দৈত্য সেনা বহু সৈন্যেরূত
চৌরশী কন্বুক তথা যাউক হ্বরিত ॥ ৪

পঞ্চাশত কোটি বীর্য্য শত ধোত্ৰ সেনা
কালকা দৌহতা মোর্ঘ্যা কালকেয়াস্রা
শীত্ৰ করি মমাদেশে যুদ্ধের কারণ
হইয়া সজ্জিত সবে করুক গমন ॥ ৫৬

আজ্ঞা করি এই মতে ভৈরব-শাসন
বহুসেনা নিয়ে শুভ করিল গমন ॥ ৭

নিরখি আসিতে শুভ সেনানী ভীষণ
জ্যাশব্দে করিলা দেবী পূরিত ভুবন ॥ ৮

(নৃপ !) মহানাদ করিলেক দেবীর বাহন
ঘণ্টা শব্দে দেবী তায় করিলা বর্ধন ॥ ৯

দিল্লুগুল ব্যাপী নাদে বিস্তারি আনন
ঘণ্টাদির শব্দ কালী করিলা হনন ॥ ১০

শুনি ক্রোধে ভীমশব্দ দৈত্য সৈন্যগণ
দেবী, সিংহ, তথা কালী করিল বেষ্টন ॥ ১১

(ভূপ !) সুরদেবী বিনাশিতে এহেন সময়ে
সাধিতে কল্যাণ শ্রেষ্ঠ দেবতা নিচয়ে
ব্রহ্মা বিষ্ণু গুহেশাদি ইন্দ্র দেবতার
দেহজাত শক্তিগণ স্বরূপে আকার
যাহার যেমন রূপ ভূষণ বাহন
সেইভাবে রণ ভূমে করিলা গমন ॥ ১২।১৩।১৪

অক্ষসূত্র কমণ্ডলু হংসযুক্ত রথে
প্রথমে ব্রহ্মার শক্তি ব্রহ্মাগীথ্যাতিতে ॥ ১৫

ত্রিশূল বরধারিণী অর্দ্ধচন্দ্র, বিভূষণা
রযাকৃত্য মাহেশ্বরী অহিবলয় শোভনা ॥ ১৬

কৌমারী কার্তিকাকৃতি ময়ূর বাহনা
আসিলা রণেতে শক্তি-হস্তা বরাননা ॥ ১৭

আসিলা বৈষ্ণবী শক্তি গরুড় বাহনে
শঙ্খ চক্র গদা ধনুঃ খড়্গ অস্ত্র সনে ॥ ১৮

হরির বাহন নামে যজ্ঞীয় মূরতি
বরাহ রূপেতে এলো তাঁহার শকতি ॥ ১৯

উৎপাটিয়া তারা যেন কেশর আঘাতে
নারসিংহী শক্তি এলো নৃসিংহ রূপেতে ॥ ২০

সহস্র নয়না ঐন্দ্রী গজরাজোপরে
বজ্র হস্তে গেল রণে শত্রুরূপ ধরে ॥ ২১

দেবশক্তি পরিবৃত্ত কহিল ঈশান
(চণ্ডিকে !) মম প্রীতিকর কর অস্ত্র নিধন ॥ ২২

শিবাশত নিনাদিনী ত্রুঙ্কাতি বিহ্বলা
দেবী দেহ হ'তে দেবী চণ্ডী বিকাশিলা ॥ ২৩

ধুম্রজট শিবে দেবী কহিলা ডাকিয়ে
শুভ্রাদির পাশে যেতে দূতরূপী হয়ে ॥ ২৪

গর্বিষত দানবপতি শুভ্র নিশুভ্তেরে
বলিও যুদ্ধার্থী যত অন্ত দানবেরে ॥” ২৫

“যাইতে পাতালে যদি বাসনা জীবনে
ত্রিলোক ইন্দ্রকে, হবি দিয়ে দেবগণে ॥” ২৬

“বল গর্বেব যদি চাহ যুদ্ধ করিবার
দানব পিশিতে তৃপ্তি হইবে শিবার ॥” ২৭

যথা দেবী করে শিবে দূতত্বে নিয়ত
তাই শিবদূতী বলি ভুবনে বিখ্যাত ॥ ২৮

শিব মুখে দেবী-বাণী শুনি দৈত্যগণ
রোষ ভরে দেবী পাশে করিল গমন ॥ ২৯

প্রথমেই ক্ষেপি শর শক্তি অস্ত্র যত
সক্রোধে অস্ত্রর করে দেবীকে বিব্রত ॥ ৩০

অস্ত্রর নিক্ষিপ্ত শর শূল চক্র কুঠারি
ধনুর্বাণে দিলা দেবী থণ্ড থণ্ড করি ॥ ৩১

করি শূলে বিদারণ খট্টাঙ্গে মর্দন
শুভাস্বর পাশে দেবী করে বিচরণ ॥ ৩২

যে স্থলে ব্রহ্মাণী যান কমণ্ডলু জল
নিফেপি অশ্বরে করে নিস্তেজ নির্বল ॥ ৩৩
ত্রিশূলেতে মাহেশ্বরী বৈষ্ণবী চক্রেতে
হানিলা দানব, ক্রুদ্ধা কৌমারী শক্তিতে ॥ ৩৪

ঐন্দ্রীর কুলিশ পাতে * বিদারিত শত
রুধির বমন করি ভূতলে পতিত ॥ ৩৫

বিদীর্ণ হৃদয় দন্তে, তুণ্ডে বিতাড়িত
চক্রে বিদারিত হয়ে ভূতলে শায়িত ॥ ৩৬

খাইল কতেক, নখে চিরিয়া অন্তরে
ভীমনাদে নারসিংহী সমরে বিচরে ॥ ৩৭

অট্টহাসে শিবদূতী করিয়া নিধন
ফেলিয়ে ভূতলে করে অশ্বর ভক্ষণ ॥ ৩৮

দেখি ক্রুদ্ধ মাতৃগণে অশ্বর মর্দন
দেবতারি সেনা যত করে পলায়ন ॥ ৩৯

মাতৃগণাদিত সেনা দেখি পলায়ন
ক্রোধে রক্তবীজ করে যুদ্ধে আগমন ॥ ৪০

যাহার শোণিত বিন্দু পড়িলে ভূতলে
সমকায় মহাসুর জন্মে সেইকালে ॥ ৪১

গদাপাণি মহাসুর ঐন্দ্রীর সমরে
বিতাড়িত ইন্দ্র বজ্রে শোণিত উদগারে ॥ ৪২

শোণিত পতনে তার তুল্য পরাক্রম
উপজিল মহাসুর অতুল বিক্রম ॥ ৪৩

যত বিন্দু রক্তপাত হইল তাহার
সমবীৰ্য্য মহাসুর জন্মে পুনর্ব্বার ॥ ৪৪

শোণিত-সম্ভব সেই মহাসুরগণ
ভীম অস্ত্রে যুদ্ধ করে সহ মাতৃগণ ॥ ৪৫

বজ্রপাতে মুণ্ড যবে হইলে নিহত
শোণিত প্রবাহে জন্মে পুনঃ শত শত ॥ ৪৬

বৈষ্ণবী সমরে চক্রে করিলে হনন
গদাঘাতে ঐন্দ্রী তায় করিল তাড়ন ॥ ৪৭

বৈষ্ণবীর চক্রাবাতে রুদ্ধির সম্ভব
সহস্র সহস্রাস্তরে আবরিল ভব ॥ ৪৮

অসিতে বারাহী শক্তি অস্ত্রেতে কোমারী
ত্রিশূলে হানিলা রক্তবীজে মাহেশ্বরী ॥ ৪৯

মহাস্রর রক্তবীজ কোপাবিষ্ট মনে
একে একে হানে গদা সর্ব মাতৃগণে ॥ ৫০

শক্তি শূলাদিতে স্বয়ং হইলে আহত
রক্তপাতে পুনঃ জন্মে দৈত্য শত শত ॥ ৫১

অস্রর শোণিত জাত অস্ররে ভুবন
পরিব্যাপ্ত দেখি, ভীত হ'ল দেবগণ ॥ ৫২

ত্রিদেশে বিষণ্ণ হেরি রণে ত্রস্তা কালী
সম্বোধিয়া চামুণ্ডায় বলিলেন বাণী ॥ ৫৩

(চামুণ্ডে !) ব্যাদানিয়া মুখ তব কর রক্ত পান
শস্ত্রাবাত নিপতিত রক্ত সম্ভাবিত
মহাস্রর জাত যত করহ ভক্ষণ
বিচরণ কর রণে হইবে ক্ষয়িত ॥ ৫৪।৫৫

ক্ষীণ রক্ত হবে ওরা করিলে ভক্ষণ
না জন্মিবে পুনঃ দৈত্য করিবারে রণ ॥ ৫৬

এত বলি দেবী তারে শূলেতে বিদ্ধিলা
রক্তবীজ-রক্ত কালী বদনে ধরিলা ॥ ৫৭ ॥

গদামারে রক্তবীজ চণ্ডিকার গায়
কিছুমাত্র ব্যাথা নাহি দেবী তাহে পায় ॥ ৫৮

আহত অস্ত্র হ'তে রক্ত পড়ে যত
চামুণ্ডা বদন পাতি পান করে তত ॥ ৫৯

রক্তপাতে কালীমুখে যেই দৈত্য হয়
রক্তবীজ সহ রক্ত খায় সমুদয় ॥ ৬০

রক্তপীত রক্তবীজে মারি শূল বাণ
অসিবজ্র ঋক্ট্যাদিতে* নাশিলা পরাণ ॥ ৬১

রক্তবীজ মহাস্ত্র রক্তশূন্য হ'ল
শত্রুহত হয়ে ভূপ ! ভূতলে পড়িল ॥ ৬২

(নৃপ !) অতুল আনন্দে ভাসে যত দেবগণ

রক্তপানে মদোন্মত্ত নাচে মাতৃগণ ॥ ৬৩

ইতি মার্কণ্ডেয় পুরাণে সার্বগিক মন্বন্তরে দেবী
মাহাত্ম্যে রক্তবীজ বধ ॥

নবম মাহাত্ম্য ।

রাজা বলিলেন ॥ ১

মাহাত্ম্য দেবী—চরিত অম্বর নিধন
যে কহিলে ভগবন্ ! বিচিত্র কথন ॥ ২

রক্তবীজ নিপাতনে নিশুস্ত কোপন
কি করিলে শুস্ত পুনঃ শুনিতো মনন ॥ ৩

ঋষি বলিলেন ॥ ৪

বহু সেনা সহ রক্তবীজের পতন
নিরখি নিশুস্ত শুস্ত হইল কোপন ॥ ৫

মহাসৈন্য হেরি হত নিশুস্ত রোপন
মুখ্য সেনা সহ রণে করিল গমন ॥ ৬

অগ্রে পৃষ্ঠে পার্শ্বে তার দৈত্য ক্রোধভরে
দংশি ওষ্ঠপুট যায় দেবী বধিবারে ॥ ৭

নিজ সৈন্য পরিবৃত শুভ্র বলবান
যুঝি মাতৃগণে ধায় চণ্ডী সন্নিধান ॥ ৮

দেবী সহ শুভ্রাদির অতিভীম রণ
শরবর্ষ হয় যেন মেঘ বরিষণ ॥ ৯

নিজবাণে অস্ত্ররাস্ত্র করিয়া খণ্ডন
শুভ্রাদিরে শস্ত্রে দেবী করিলা তাড়ণ ॥ ১০

অশানিত খড়্গ দীপ্ত চর্ম্ম করে ধরে
দেবীর বাহন শিরে নিশুভ্র প্রহারে !! ১১

সিংহাহত হেরি দেবী খুরপ্রে তখন
অক্টচন্দ্র চর্ম্ম, অসি করিলা খণ্ডন ॥ ১২

খড়্গ চর্ম্ম হ'লে ছিন্ন শক্তি নিক্ষেপিল
হেরি তাহা মহাদেবী চক্রে দ্বিখণ্ডিল ॥ ১৩

কোপিত দানব তবে শূল নিক্ষেপিল
মুষ্টিপাতে দেবী তাহা চূর্ণ করি দিল ॥ ১৪

আঘূর্ণিত গদা দৈত্য ক্ষেপে চণ্ডিকায়
দেবীর ত্রিশূলে কিন্তু ভস্ম হয়ে যায় ॥ ১৫

হস্তেতে পরশু নিয়ে দানব আসিলে
দেবী-বাণে হ'ল হত, পড়িল ভূতলে ॥ ১৬

নিশুস্ত ভীম বিক্রম হইলে নিহত
দেবীকে নাশিতে গেল শুস্ত কোপান্বিত ॥ ১৭

রথে চড়ি অক্ৰহস্তে দীর্ঘাস্ত্র ধরিয়া
রহিলেক স্মশোভিত আকাশ ব্যাপিয়া ॥ ১৮

নিরখি আগত, দেবী করিল বাদন
শঙ্খ ঘণ্টা ধনুর্বাণ অতীব ভীষণ ॥ ১৯

ঘণ্টাশব্দে দিগ্গুণল আপূরিত করি
দানব সেনার তেজ দিল ক্ষয় করি ॥ ২০

বিদূরিত গজমন্ত নাদেতে বাহন
স-আকাশ দশদিক্ পূরিল ভুবন ॥ ২১

আকাশে উঠিয়া কালী পৃথিবী তাড়িল
করতালি শব্দে পূর্ব শব্দ নিবাড়িল ॥ ২২

অশ্বি অটোটে হাসে হাসি শিবদূতী
ত্রাসিলা অস্থরে যত, ত্রুন্ধ শুভ অতি ॥ ২৩

তিষ্ঠ তিষ্ঠ ছুরাঅন্ ! বলিলে অম্বিকা
জয় জয় শব্দ করে আকাশে দেবতা ॥ ২৪

আসি শুভ ভীম শিখা শক্তি নিক্ষেপিল
উল্কাবাণে অগ্নিজ্যোতি দেবী নিবারিল ॥ ২৫

(রাজন্) শুভনাদ পরিব্যাপি সমস্ত ধরনী
ভীম প্রতিঘাত শব্দে জিনিত আপনি ॥ ২৬

দেবী ক্ষিপ্তবাণ শুভ দেবী শুভ-শরে
আপন শরেতে শত শত খণ্ড করে ॥ ২৭

শূলের আঘাতে, চণ্ডী অতি কোপবতী
মূচ্ছিত ভূতলে পড়ে শুভ নরপতি ॥ ২৮

নিশুভ চেতনা লভি ধরি নিজ শর
বিঙ্কিলা দেবীর দেহ, বাহন কেশর ॥ ২৯

দিতিজ* দানবায়ুত বাহু প্রসারিয়া
চক্র অস্ত্রে চণ্ডিকারে রাখে আচ্ছাদিয়া ॥ ৩০

* দিতিজ = নিশুভ

দুর্গার্ভি নাশিনী দুর্গা ক্রোধে স্বীয়বাণে
দৈত্য ক্ষিপ্ত চক্রবাণ কাটে' সেইক্ষণে ॥ ৩১

সেনা পরিবৃত দৈত্য চণ্ডীকে বধিতে
গদা নিয়ে গেল ধেয়ে ক্ষিপ্ত গতিতে ॥ ৩২

শিত-ধারণা খড়েগ-দেবী সে গদা কাটিল
শূল অস্ত্র নিয়ে দৈত্য অবস্থিত হ'ল ॥ ৩৩

শূল হস্তে সমাগত নিশুস্ত অরিরে
আপন শূলেতে চণ্ডী বিক্ষিপ্ত হৃদয়ে ॥ ৩৪

জনমিয়া হৃদি হতে পুরুষ ভীষণ
“তিষ্ঠ তিষ্ঠ” বলে দেবি ! করে সম্বোধন ॥ ৩৫

উচ্চহাস্য করি দেবী নির্গত অস্ত্রে
পাতিলা ভূতলে খড়েগ শিরশ্ছেদ করে ॥ ৩৬

দন্তেক্ষত গ্রীবাদেশ, দেবীর কেশরী
ভূঞ্জিল অস্ত্র, অন্য কালী শিবদুতী ॥ ৩৭

কোমারী শক্তিতে হত, (মস্ত্রপূত) ব্রহ্মাণীর জলে
নিবারিত মহাস্মর সব পলাইলে ॥ ৩৮

মাহেশ্বরী শূল তথা বারাহী (তুণ্ড) আঘাতে
ছিন্ন চূর্ণীকৃতাস্মর পড়িল মহীতে ॥ ৩৯

ঐন্দ্রীহস্ত-বজ্রে কেহ বিষ্ণু-চক্রে পরে
খণ্ড খণ্ড হ'ল বত দানব সমরে ॥ ৪০

হইল বিনষ্ট কত ভয়ে পলাইল
কালী শিবদূতী, সিংহ অপরে খাইল ॥ ৪১

ইতি মার্কণ্ডেয় পুরাণে সাবর্ণিক মন্বন্তরে
দেবী মাহাত্ম্যে নিশ্চিন্ত বধ সমাপ্ত ॥

দশম মাহাত্ম্য ।

ঋষি বাললেন ॥ ১

প্রাণ সম ভ্রাতা হেরি সসৈন্যে নিহত
কোপান্বিত শুভাস্মর বলে এই মত ॥ ২

বলগর্ব্ব দুষ্টি দেবি ! গরব না কর
পর বলাশ্রয়ে যুদ্ধে অভিমান কর ॥ ৩

দেবী বলিলেন ॥ ৪

(রে দুষ্টি চেয়ে দেখ !)

“জগতে একাকী আমি কে আছে অপর
আমাতেই প্রবেশিছে বিভূতি আমার ॥” ৫

ব্রহ্মাণী প্রমুখ যত দেবশক্তিগণে
প্রবেশিল দেবী-দেহে, দেবী একা রণে ॥ ৬

দেবী বলিলেন ॥ ৭

প্রকাশি বিভূতি মম বহুরূপধারী
(স্থিরহও !) দেখ রণে একা আমি সেরূপ সংহারি ॥ ৮

ঋষি বলিলেন ॥ ৯

সর্ব্ব দেবাস্ত্র মাঝে অতীব ভীষণ
প্রবর্তিল দেবী শুল্ক উভয়ের রণ ॥ ১০

শোণিত শরবরষে শস্ত্রান্ত্রে ভীষণ
সর্ব্বলোক ভয়ঙ্কর পুনঃ করে রণ ॥ ১১

অম্বিকা নিক্শিপ্ত শত দিব্য অস্ত্রগণ
প্রতিঘাতে করে তাঁয় দৈত্যেন্দ্র ভঞ্জন ॥ ১২

দানব বিমুক্ত যন্ত দিব্য শরগণ
হুঙ্কারে লীলায় দেবী করিলা ভঞ্জন ॥ ১৩

শতশর কোঁপি দৈত্য দেবী আচ্ছাদিল
রুম্ভা হয়ে ধনু তিনি বাণেতে কাটিল ॥ ১৪

ধনু কেটে গেলে দৈত্য শকতি ধরিল
করস্থ থাকিতে দেবী চক্রে ছেদি দিল ॥ ১৫

ভানুসম দীপ্ত চন্দ্র খড়্গ নিয়ে করে
ধাইল অম্বরাদিপ দেবী বধিবারে ॥ ১৬

ধনুমুক্ত শিত * বাণে চণ্ডিকা তখন
সূর্য্যদীপ্ত চক্রে খড়্গ করিল খণ্ডন ॥ ১৭

হত-অশ্ব বিসারথি দৈত্য ছিন্নশর
দেবী বধে সমুত্তত ধরিল মূদগর ॥ ১৮

নিশিত শর সংযোগে কাটিলে মূদগর
মুষ্টি উঠাইয়ে ধায় অম্বর প্রবর ॥ ১৯

* শিত = ধারাল ।

দেবী-হৃদে মুষ্টিহানে অস্বর যখন
তলাঘাতে বক্ষে দেবী করিলা তাড়ন ॥ ২০

দেবী-তল-প্রহারেতে পড়িয়া ভূতলে
পুনরপি দৈত্যরাজ সহসা উঠিলে ॥ ২১

দেবীকে ধরিয়া উঠে আকাশ মণ্ডলে
নিরাশ্রয়া তবু দেবী অশেষে যুঝিলে ॥ ২২

আকাশে থাকিয়া বাহু যুদ্ধ পরস্পর
দেখে সিদ্ধ মুণিগণ বিস্ময় অন্তর ॥ ২৩

এইরূপে বাহুযুদ্ধ করি কিছুকাল
উর্দ্ধে ঘুরাইয়ে দেবী ফেলে ধরাতল ॥ ২৪

ধরণী নিক্ষিপ্তাস্বর মুষ্টি হানিবারে
ধায় বেগে দুষ্ঠ আত্মা দেবী বধিবারে ॥ ২৫

আগত হেরিয়া সেই সর্বদৈত্যেশ্বরে
বক্ষে শূল বিদ্ধি, দেবী ধরাশায়ী করে ॥ ২৬

দেবী শূলে ত্যক্ত প্রাণ ধরায় পতিত
সদীপ নগেন্দ্র পৃথ্বী হ'ল বিচলিত ॥ ২৭

দুরাত্মা হইলে হত অখিল ভুবন
প্রসন্ন, অতীব সুস্থ, নিশ্চল গগণ ॥ ২৮

উল্কা বিরহিত মেঘ প্রশান্ত হইল
নদীগুলি নিজ পথে প্রবাহিত হ'ল ॥ ২৯

আহ্লাদে মগন দেব হইল অন্তরে
গন্ধর্ব্ব করিল গান স্থললিত স্বরে ॥ ৩০

কেহবা করিল বাঢ় নাচিল অঙ্গুর
অনুকূল বহে বায়ু অতি মনোহর ॥ ৩১

নিজ রশ্মি বিলাইয়ে রহে দিবাকর
জ্বলে অগ্নি শান্ত স্বরে দিক্ দিগন্তর ॥ ৩২

ইতি মার্কণ্ডেয় পুরাণে সাবর্ণিক মন্বন্তরে
দেবী মাহাত্ম্যে শুভ বধ সমাপ্ত ॥

একাদশ মাহাত্ম্য ।

ঋষি বলিলেন ॥ ১

অশ্বরেন্দ্র হ'লে তথা আহবে নিধন
রাখি অগ্রে অগ্নিদেবে যত দেবগণ
ইষ্ট লাভহেতু আশে বিকাশি আনন
কাত্যায়ণী তুষ্টি হেতু করিলা কীর্তন ॥ ২

প্রপন্ন পীড়িত জন দুঃখ বিনাশিনি !
 হওমা ! প্রসন্না বিশ্বরক্ষা বিধায়িনি !
 চরাচর বিশ্বমাঝে তুমি বিশ্বেশ্বরী !
 হওমা ! প্রসন্না রক্ষা করগো ঈশ্বরী ॥ ৩

ক্ষিতিক্রুপে ধরে আছ জগত সংসার
 তুমি বিনা কেবা আছে বিশ্ব মূলধার
 অলঙ্ঘ্য বলশালিনী জলরূপে তুমি
 করিতেছ আপ্যায়িত এই বিশ্ব ভূমি ॥ ৪

অনন্ত বিক্রমা তুমি বিষ্ণু শক্তিরূপে
 বিশ্বের নিদান তুমি মহামায়ারূপে
 মোহিত রেখেছ সবে, মুক্তির কারণ
 হও যবে স্তপ্রসন্না মুক্ত ত্রিভুবন ॥ ৫

জগতে যতেক বিঘা নারী অবস্থিতা
 মূরতি তোমারি দেবি ! তব অংশভূতা
 মাতারূপে একা তুমি বিরাজ সংসার
 কি করিব স্তুতি নহে স্বরূপ তোমার ॥ ৬

সর্বভূতা যবে, স্বর্গ মুক্তি প্রদায়িনি
 কি স্তুতি আছে গো দেবি ! তব স্বরূপিণি ॥

বুদ্ধিরূপে সর্বজন হৃদয় বাসিনি !

স্বর্গাপবর্গদে দেবি ! নমো নারায়ণি ; ৮

কলা কাষ্ঠা (১) রূপে পরিণাম প্রদায়িনি !

বিশ্বনাশ হেতুভূতে নমো নারায়ণি ! ৯

মঙ্গলে বরেণ্যে শিবে সর্বার্থ সাধিনি !

শরণ্যে ত্র্যম্বকে গৌরি নমো নারায়ণি ! ১০

সকল মঙ্গল বর মঙ্গল কারিণি !

তুমি গৌরী শিবে সর্বসিদ্ধি প্রদায়িনি !

ত্ৰিনয়নে মাতঃ ! তুমি জগত রক্ষিণি ।

নমস্কার করি দেবি ! ওগো নারায়ণি । ১০

সৃষ্টি স্থিতি বিনাশের শক্তি স্বরূপিণি ।

গুণাশ্রয়ে * গুণময়ে † নমো নারায়ণি ॥ ১১

সৃষ্টি স্থিতি বিনাশের শক্তি স্বরূপিণি ।

ত্রিগুণের মূলধার ত্রিগুণ রূপিণি

দেবি ! সনাতনি !

নমো নারায়ণি । ১১

(১) কলাকাষ্ঠা = অষ্টাদশ নিমেষে ষতটুক সময় তাহার নাম কাষ্ঠ । ত্রিশ কাষ্ঠায় এক কলা ॥

গুণাশ্রয়ে = সত্ত্ব রজ তম গুণের আশ্রয় স্বরূপা

গুণময়ে = ঐ ত্রিগুণ স্বরূপিনী ॥

পদানত দীনজন দুঃখ বিনাশিনি ।

সর্বজন দুঃখহরা নমো নারায়ণি ॥ ১২

হংসযুক্ত রথস্থিতে ত্রিঙ্গারূপিনি ।

কুশাগ্রবারিবর্ষিনি নমো নারায়ণি ॥ ১৩

ত্রিশূলাহি চন্দ্র ধরা বৃষভ বাহিনি ।

মাহেশ্বরী স্বরূপিনি ! নমো নারায়ণি ॥ ১৪

ময়ূরকুটাবৃত্তা শকতি ধারিনি ।

কৌমারীরূপ সদৃশে নমো নারায়ণি ॥ ১৫

শঙ্খ চক্র গদাধারী বৈষ্ণবী রূপিনি ।

প্রসন্নতা কর লাভ নমো নারায়ণি ॥ ১৬

মহাচক্রধারী শিবে বরাহরূপিনি ।

দংষ্ট্রোদ্ধৃত বস্মন্ধরে নমো নারায়ণি । ১৭

দৈতাং বধে কৃতোদ্যমে নৃসিংহরূপিনি !

ত্রিলোকের ত্রাণকারী নমো নারায়ণি ! ১৮

সহস্র নয়না মহাবজ্রা কিরিটিনি !

বৃত্রোন্মুর বিনাশিনি ! নমস্তে ইন্দ্রানি ! ॥ ১৯ .

শিবদূতীরূপে মহাদৈত্য বিনাশিনি !
ঘোররূপে ! মহারাবে ! নমো নারায়ণি ! ॥ ২০

ভীম দন্তাননে ! শিরোমালা স্ত্রশোভিনি !
চামুণ্ডে ! মুণ্ড মথনে ! * নমো নারায়ণি ! ॥ ২১

লক্ষ্মি লজ্জা স্বধে ধ্রুবে পুষ্টি স্বরূপিণি !
শ্রদ্ধে বিদ্যে মহারাত্রি নমো নারায়ণি ! ॥ ২২

মেধা স্বরূপিণি ! শ্রেষ্ঠে ! ঐশ্বর্য শালিনি !
সরস্বতি ! দেবি ! তুমি মঙ্গলদায়িনি !
প্রসন্নতা কর লাভ সংহার রূপিণি !
নিয়তি ঈশানি দেবি ! নমো নারায়ণি ! ২৩

সর্বশক্তি সমন্বিতে সর্ব স্বরূপিণি !
সর্বভয়ে রক্ষ দুর্গে নমো সর্বেশানি ! ২৪

ত্রিলোচন স্ত্রশোভিত (তব) সুন্দর বদন
সর্বভূতে কাত্যায়ণি ! করুক রক্ষণ ॥ ২৫

ভীমশিখা অতি উগ্র অস্তর নাশন
ত্রিশূলেতে রক্ষভয়ে নত দেবগণ ॥ ২৬

* মুণ্ড মথনে = মুণ্ডাস্তর বিনাশিনী ।

জগদ্ব্যাপী শব্দে ঘণ্টা দৈত্য তৈজ নাশে
তাহে সূত পাপ নাশ জননী বিশেষে ॥ ২৭

দৈত্য-রক্ত-মেদ-লিপ্ত খড়্গ করোজ্জ্বল
নত দেবগণে চণ্ডি ! করুক মঙ্গল ॥ ২৮

তুমি যদি হও তুচ্ছা সব রোগ নাশে
তোমার রোষেতে ইচ্ছ কামনা বিনাশে
তোমার আশ্রিত জনে বিপদ না হয়
তবাশ্রিত জন সদা সবার আশ্রয় ॥ ২৯

বহুমূর্তি ধরি দেবি ! ধর্মদ্বেষী যত
সংহারিলা মহাসুরে করিয়া নিহত
তুমি বিনে কেবা আর আছে গো এমন
করিবে নিধন দেবি ! করিবে নিধন ॥ ৩০

বিদ্যা, শাস্ত্র, আত্মবাক্য, * বিবেক দীপেতে
তুমি বিনে কেবা আর আছেগো জগতে
অতি ঘোর অন্ধকার মমতা গহ্বরে
ঘুরাতেছ বিশ্ব তুমি নিয়ত সজ্জোরে ॥ ৩১

উগ্র বিষধারী ন্নাগ, রাক্ষস সকল
 দম্ব্য সেনানী শত্রু, সাগর দাবানল
 থাকয়ে যে স্থলে তুমি থাকি সেই স্থল
 চরাচর বিশ্বধাম পালিছ সকল ॥ ৩২

বিশ্বেশ্বরী তুমি কর বিশ্বের পালন
 বিশ্বাত্মিকা হয়ে কর বিশ্বের ধারণ
 ভক্তিনত্রে যে তোমায় বিশ্বপূজ্য হয়
 তাই বিশ্বাত্ময়া তুমি ত্রিলোকেতে কর ॥ ৩৩

অম্বর বধিয়া সত্ত্ব, তথা সর্বরক্ষণ
 অরিভীতি হ'তে কর মোদের রক্ষণ
 সর্ব জগতের পাপ উপসর্গ চয়
 সুপ্রসন্না হ'য়ে দেবি ! কর শীঘ্র ক্ষয় ॥ ৩৪

ত্রিলোক প্রণত জনে বর প্রদায়িনি !
 সুপ্রসন্না হও পূজ্যে ! বিশ্বার্তি হারিনি ! ॥ ৩৫

দেবী বলিলেন ॥ ৩৬

জগতের উপকার যেই বরে হয়
 যাচ দেব ! ইচ্ছা যাহে দিব সুনিশ্চয় ॥ ৩৭

দেবতাগণ বলিলেন ॥ ৩৮

(অখিলেশ্বর !)

ত্রিলোকের সর্ব বিধ করি প্রশমন
যুগে যুগে কর দেব-বৈরি বিনাশন ॥ ৩৯

দেবী বলিলেন ॥ ৪০

বৈবস্বত মন্বন্তরে অষ্টাবিংশ যুগে
শুস্ত ও নিশুস্ত অন্য পুনশ্চ জন্মিবে ॥ ৪১

নন্দ গোপালয়ে জন্মি যশোদা উদরে
বিন্ধ্যাচলে বিনাশিব সেই দানবেরে ॥ ৪২

ভীমরূপ পৃথিবীতে ধরি পুনর্ব্বার
বৈপ্রাচিত্ত দৈত্যগণে করিব সংহার ॥ ৪৩

ভয়ঙ্কর মহাসুর করিলে ভক্ষণ
দাড়িমী কুন্ডুম সম দন্তের বরণ ॥ ৪৪

স্বরগে দেবতা মর্ত্ত্যে মানব তখন
রক্তদন্তী বলি স্তবে করিবে কীর্ত্তন ॥ ৪৫

পুনঃ যবে শতবর্ষ অনারুণি হ'বে
অযোনিজ জন্ম নিব মুনিগণ স্তবে ॥ ৪৬

শতনেত্রে মুনিগণে করিব রক্ষণ
শতাক্ষী বলিয়া লোকে করিবে কীর্তন ॥ ৪৭

যতদিন অনারুণি রবে সুরগণ
আপনার দেহে শাক করিয়া সৃজন ॥ ৪৮

সকল লোকের প্রাণ করিব রক্ষণ
শাকমুরী নাম লোকে করিবে কীর্তন ॥ ৪৯

দুর্গম নামক দৈত্য করিব নিধন
তাই দুর্গা বলে মোরে করিবে কীর্তন ॥ ৫০

হিমাচলে ভীমরূপ পুনশ্চ ধরিব
মুনিদের ত্রাণহেতু রাক্ষস বধিব ॥ ৫১

আনন্ড দেহেতে মুনি কীর্তন করিবে
ভীমাদেবী বলি নাম বিখ্যাত হইবে ॥ ৫২

অরুণাখ্য মহাবিশ্ব করিলে জগতে
বহুঘট পদবৃত্ত ভ্রমর রূপেতে
ত্রিলোকের শুভহেতু নাশিব তাহার
ভ্রামরী নামেতে স্তুতা হইব ধরায় ॥ ৫৩৫৪

এইরূপে হবে যবে দানবের ভয়
অবতীর্ণা হ'য়ে অরি নাশিব নিশ্চয় ॥ ৫৫

ইতি মার্কণ্ডেয় পুরাণে সাবর্ণিক মন্বন্তরে
দেবী মাহাত্ম্যে দেবীর স্তুতি ॥

দ্বাদশ মাহাত্ম্য ।

দেবী বলিলেন ॥ ১

এই স্তবে যে তোষিবে সমাহিত জন
নিশ্চয় করিব তার বিঘ্ন বিনাশন ॥ ২

মধু কৈটভের নাশ অশুর * মর্দন
শুস্ত নিশুস্তের বধ যে করে কীৰ্ত্তন ॥ ৩

অষ্টমী নবমী কিংবা চতুর্দশী দিনে
ভক্তিভাবে মাহাত্ম্য যে শোনে একমনে ॥ ৪

পাপ তাপ দরিদ্রতা ইষ্ট বিয়োজন
পাপ জাত বিঘ্ন কিছু না হবে কখন ॥ ৫

অশুর = মহিষাশুর ।

শত্রু দম্য শস্ত্রানল রাজা কিংবা জলে
রহিবেনা অন্য ভয় তার কোন কালে ॥ ৬

মাহাত্ম্য আমার তাই শ্রেষ্ঠ স্বস্ত্যয়ন
ভক্তি চিতে পাঠ তথা করিবে শ্রবণ ॥ ৭

মহামারী সমুদ্ভব অনিষ্ট নিচয়
এ মাহাত্ম্যে নাশিবেক ত্রিবিধাপচয় ॥ ৮

প্রত্যহ যে গৃহে মম স্তব পাঠ হয়
কভু নহে ত্যক্ত মম থাকি সে আশ্রয় ॥ ৯

বলিদানে পূজা হোমে কিংবা মহোৎসবে
মাহাত্ম্য সকল মম পড়িবে শুনিবে ॥ ১০

জ্ঞানী কি অজ্ঞানী যেই পড়ি এই স্তুতি
বলি পূজা হোম করে তাতে মম প্রীতি ॥

শরদে বার্ষিকী মহা পূজার সময়
শুনি এ মাহাত্ম্য মম ভক্তি যুত হয় ॥ ১২

প্রসাদে আমার হবে মানব নিশ্চয়
ধন ধান্য সুতাক্তি সর্বাপদ ক্ষয় । ১৩

মাহাত্ম্য স্তম্ভর মম উৎপত্তি কখন
যুদ্ধ পরাক্রম, শোনে নির্ভয় সেজন ॥ ১৪

শত্রুক্ৰয় হয় তার কল্যাণ সাধন
বংশ বৃদ্ধি হয় স্তম্ভ যে করে শ্রবণ ॥ ১৫

সর্ব শান্তি কল্পে তথা দুঃস্বপ্ন দর্শনে
উগ্র গ্রহ পীড়াদিতে মাহাত্ম্য শ্রবণে ॥ ১৬

উপসর্গ নাশ গ্রহ পীড়া অতিশয়
মানবের দুঃখ স্বপ্ন স্তম্ভ স্বপ্ন হয় ॥ ১৭

ভূত গ্রন্থ বালকের শান্তির কারণ
পরস্পর বিসম্বাদে মৈত্রী সংঘটন ॥ ১৮

অশেষ দুর্বৃত্ত-বল হানির কারণ
রক্তভূত পিশাচের পঠনে নাশন ॥ ১৯

মাহাত্ম্যের ফল বহু কি ক'ব ঈদৃশ
পঠনে শ্রবণে লোক আমার সদৃশ ॥ ২০

পশু পুষ্প অর্ঘ্য ধূপ দীপ গন্ধ দানে
নিত্য অভিষেকে কিংবা ত্র্যম্বক-ভোজনে ॥ ২১

নানা ভোগ্য দ্রব্য কিংবা সম্বৎসর দানে
যথা প্রীতি হয় এক মাহাত্ম্য শ্রবণে ॥ ২২

সর্ব পাপ হয় ক্ষয় আরোগ্য বর্দ্ধন
সর্ব প্রাণি ভয় নাশ করিলে শ্রবণে ॥ ২৩

যুদ্ধে দুৰ্ঘট দৈত্য-নাশ, মম আচরণ
বৈরিকৃত ভয় নাশে, করিলে শ্রবণে ॥ ২৪

ব্রহ্মকৃত, ব্রহ্মর্ষির তথা তব স্তব
শুনিলে স্মৃতি শীল হইবে মানব ॥ ২৫

অরণ্যে প্রান্তরে কিংবা পড়ি দাবানলে
দম্য শত্রু পরিবৃত আক্রান্ত অস্থলে ॥ ২৬

সিংহ ব্যাঘ্র কিংবা বন হস্তি অনুসৃত
ক্ৰোধি রাজাজ্ঞায় বধ্য কিংবা কারাগত ॥ ২৭

পোতস্থ সমুদ্রে যদি বায়ু বিচলিত
দারুণ সংগ্রামে যদি শস্ত্র নিপতিত ॥ ২৮

ঘোর কষ্টে পড়ি কিংবা বেদনা পীড়িত
সঙ্কটে তড়িবে নর স্মরি এ চরিত ॥ ২৯

সিংহ আদি দৈত্য কিংবা যত বৈরিগণ

মাহাত্ম্য শ্রবণে করে দূরে পলায়ন ॥ ৩০

ধ্বমি বলিলেন ॥ ৩১

প্রচণ্ড বিক্রমা চণ্ডী বলি এই মত

দৃশ্যমান্ দেবগণ হ'তে অন্তর্হিত ॥ ৩২

শত্রু নাশে নিরাতঙ্ক যত দেবগণ

যজ্ঞভাগ, স্বাধিকার করিল গ্রহণ ॥ ৩৩

মহাবীৰ্য্য দেবরিপু বিক্রমে ভীষণ

জগত বিনাশী শুভ্র নিশুভ্র কোপন

দেবীর আহবে হ'লে দৈত্য সহ হত

প্রবেশিল পাতালাতে অন্য দৈত্য যত ॥ ৩৪।৩৫

(রাজন্) নিত্য দেবী, তবু করি জনম গ্রহণ

পুনঃ পুনঃ করিতেছে জগত পালন ॥ ৩৬

তিনি বিশ্ব প্রসবিনী মোহিত কারিনী

তোষিত যাচকে জ্ঞান ঋদ্ধি* প্রদায়িনী ॥ ৩৭

মহামারী কালে কালী প্রলয় সময়

সমগ্র ব্রহ্মাণ্ড ব্যাপ্তা নৃপ ! স্তম্ভিচয় ॥ ৩৮

কভু মহামারী কভু সৃজন কারিনী
পালন কারিনী কভু দেবী সনাতনী ॥ ৩৯

সম্পদ সময়ে তিনি লক্ষ্মীরূপা হন
অভাবে অলক্ষ্মীরূপা বিনাশ কারণ ॥ ৪০

গন্ধে পুষ্পে ধূপে স্তবে করিলে পূজন
দেন তিনি ধন্যে মতি, ধন পুত্র জন ॥ ৪১

ইতি মার্কণ্ডেয় পুরাণে সাবর্ণিক মন্বন্তরে দেবী
মাহাত্ম্যে শুভ্র নিশুভ্র বধ সমাপ্ত ॥

ত্রয়োদশ মাহাত্ম্য ।

ঋষি বলিলেন ॥ ১

সুন্দর মাহাত্ম্য তব কহিনু ভূপতি
প্রভাবতী জগদ্ধাত্রী যথা ভগবতী ॥ ২

বিষ্ণু মায়াৰূপে যথা হন বিদ্বাবতী ॥ ৩

বৈশ্য ! তুমি নিজে তথা অন্য আর যত
হয়েছ, হতেছে, হবে সকলে মোহিত ॥ ৪

ওহে মহারাজ ! লভ দেবীর শরণ
ভোগ, স্বর্গমুক্তি হেতু কর আরাধন ॥ ৫

মার্কণ্ডেয় বলিলেন ॥ ৬

রাজ্যক্ষয়ে দুঃখী তথা মমতা প্রবণ
নির্ব্বিঘ্ন সুরথ সহ বৈশ্য মহাজন
প্রণমিলা মূনি, শুনি তাহার বচন
তপস্তা করিতে উভে করিল গমন ॥ ৭।৮

নদীর পুলীনে বসি অম্বিকা দর্শনে
দেবী সূক্ত জপে, তপ করে দুই জনে ॥ ৯

মুগ্ধায়ী মুরতি তাঁর করিয়া নিশ্চান
পুষ্প ধূপাঘ্নি তর্পণে করে আরাধন ॥ ১০

একমনে নিরাহারে সংযত আহারে
নিজ দেহ রক্ত দেয় উপহার তরে ॥ ১১

তিন বর্ষব্যাপী যবে করে আরাধন
বলে পরিতুষ্টা দেবী দিয়ে দরশন ॥ ১২

দেবী বলিলেন ॥ ১৩

যাচ যেই বর ভূপ ! কুলের নন্দন
পরিভুক্ত হ'য়ে তাহা দিব এইক্ষণ ॥ ১৪

মার্কণ্ডেয় বলিলেন ॥ ১৫

এত শুনি নরপতি মাগে এই বর
পরজন্মে পাই যেন রাজ্য অনশ্বর
এজনমে শত্রুবল করিয়ে নিধন
পাই যেন রাজ্য পুনঃ যেছিল আপন ॥ ১৬

প্রাজ্ঞ বৈশ্য মাগে বর পেতে তত্ত্বজ্ঞান
“আমি ও আমার ভাব” করি বিনাশন ॥ ১৭

দেবী বলিলেন ॥ ১৮

অল্পদিনে পাবে তুমি রাজ্য তোমার ১৯

শত্রুগণ নাশিভুঞ্জ রাজ্য অনিবার ॥ ২০

মৃত্যু পরে সূর্য হ'তে লভিয়া জনম ২১

সাবর্ণি নামেতে মনু হইবে অষ্টম ॥ ২২

বৈশ্য বর ! চাহিয়াছ তুমি যেই বর ২৩

দিতেছি সে তত্ত্বজ্ঞানে সিদ্ধিলাভ কর । ২৪

মার্কণ্ডেয় বলিলেন ॥ ২৫

বর পেয়ে ভক্তিভাবে যবে স্তব করে ২৬

অন্তর্হিত হ'ন দেবী, বৈশা নৃপ বরে ॥ ২৭

কৃত্রিয় স্বরথ দেবী-স্থানে পেয়ে বর ২৮

সূর্য্য হ'তে জন্ম লভি (সাবর্ণি) মনু নাম ধর ॥ ২৯

ওঁ তৎসৎ

ইতি মার্কণ্ডেয় পুরাণে সাবর্ণিক মন্বন্তরে

দেবী মাহাত্ম্য সমাপ্ত ।

